

說文解字注箋

說文解字第七上

金壇段玉裁注

番禺徐灝箋

五十六部 文七百一十四

凡八千六百四十七字

六四十二 新附

日 實也太陽之精不虧从口一象形 繫傳無象形二字 凡日

之屬皆从日 人質切 日 繫傳及毛本作日 古文象形

注曰以疊韵爲訓釋名云日實也光明盛實也一

象其中不虧 〇箋曰古文蓋作 〇 象形泰西戴進

賢七政圖日中有小黑點數十橫互如帶以遠鏡

日驗實然日字中畫象之古人造字之精如此相傳日中有鳥者以黑點如羣鳥飛耳古文或作𠄎蓋後人以乙象鳥也此字全體象形小篆由古文變爲方體析而言之則曰从口一段云一象其中不虧未達造字之旨也

人秋天也从日文聲虞書曰仁閱覆下則偁昊天武切

注曰此爾雅釋天及歐陽尚書說也

時

四時也从日寺聲

市之切

古文時从之日

注曰時本春夏秋冬之偁引申之爲歲月日時之

用釋詁曰時是也此時之本義○箋曰時是古字

通非時之本義訓是也

𠄎晨也从日在甲上

繫傳此下有甲古文甲字五字子浩切

注曰晨者早昧爽也○箋曰戴氏侗曰日之甲時也錢氏坫改篆作早云繫傳下有甲古文甲字五字此云从日在甲上當作日在十上繫傳當作十古文甲字寫者既誤早爲昂鉉等因刪繫傳五字以合之灝按此字當是小篆作昂古文作早繫傳下云甲古文甲字按甲乃十之譌十古文甲也此蓋後人記注之語蓋昂之隸變作早故云戈部戎下繫傳亦有此五字其意正同抑許書本有古文早與莽而釋之如此亦未可知錢氏坫徑改篆文

作早斯過矣

眇

繫傳篆作眇
段氏從之

尙冥也从日勿聲

呼骨切

注曰冥者窈也幽也司馬相如傳習爽暗昧得耀
乎光明然則習尙未明也漢人習昧通用故幽通
賦眇昕寤而仰思曹大家曰眇昕晨旦明也韋昭
曰眇昧忽兩音郭璞注三倉解詁云習旦明也獨
許分別習爲未明昧爽爲旦明以其時相際故說
之者異○箋曰習昧一聲之轉昧亦冥也昧爽乃
爲旦明耳

昧

昧爽

原脫昧字
今從段補

旦明也

旦段改
作且

从日未聲一曰闇

也

莫佩切

注曰昧者未明也爽者明也合爲將旦之偁一曰閤閤者閉門也閉門則光不明明閤字用此不用



旦明也

旦段改作且

从日者聲

當古切

注曰許書有曙無曙而文選魏都賦謝康樂溪行詩李注並引作曙古今字形異耳許本作曙後乃變爲曙署亦者聲也玉篇昞昧二文間出曙字市據切此顧希馮以今字易古字也後出曙字丁古切此孫強陳彭年輩所據說文妄增者也廣韻亦曙入姥韻曙入御韻○箋曰灝謂當從篇韻訂正又段改旦爲且亦非

昭

繁傳本作昭
段訂作哲

昭晰逗明也从日折聲禮曰晰明行

事旨熱切

注曰周易王弼本明辨哲也陳風明星哲哲洪範
明作哲鄭曰君視明則臣昭哲按昭哲皆从日本
謂日之光引申爲人之明哲口部哲知也哲字日
在下或日在旁作晰同耳士冠禮質明行事許所
據作哲明○箋曰古从日之字或省从口如昌籀
文作𠄎智籀文作𠄎卽其例从日之日亦或省从
口筆迹小變作𠄎如此哲字省作哲是也

昭

日明也从日召聲

止遙切

注曰引申爲凡明之稱廟有昭穆昭取陽明穆取

陰幽皆本無正字假此二字爲之晉避司馬昭諱
不敢正讀一切讀上饒反而陸氏乃以入經典釋
文陋矣又別製召字从人召聲此取爲不通昭穆
乃鬼神之侑當从示而从人何也無識者又取以
竄入說文人部中其亂名改作有如此者○箋曰
段說未確孟子徵招角招亦假招爲韶豈盡由避
司馬昭諱而讀上饒反乎其以人部召字爲人所
竄入亦無明據

𡇗明也从日吾聲詩曰𡇗辟有標

五故切

注曰𡇗昞𡇗曠四篆不必專謂日之明然莫明於
日故四字皆从日而廁於此也𡇗者启之明也心

部之悟夢部之寤皆訓覺覺亦明也同聲之義必相近詩邶風文今本作寤此篇云耿耿不寐則當作寤訓覺晤其假借之字也

𠄎明也从日勺聲易曰爲的顙都歷切

注曰的者白之明也故俗作的漢魯峻碑永傳童齡喚矣的的引申爲射的詩發彼有勺假勺爲的易說卦傳文的顙白顙也馬部又有駟篆云馬白顙也引易馬駟顙疑駟後出非古○箋曰射的亦假借非引申也

𠄎段訂篆作𠄎明也从日光聲胡廣切

注曰各本篆作𠄎篇韻皆云晃正𠄎同晃者動之

明也凡光必動揚雄賦北熿幽都李善注熿與晃

音義同

曠明也从日廣聲

苦誦切

注曰曠者廣大之明也引申爲虛空之稱

加日旦出兒从日九聲讀若曷

段訂一作好

曰明也

許玉切

注曰邶風旭日始旦毛傳旭者日始出謂大昕之

時音義云旭許玉反徐又許袁反說文讀若好好

各本作曷誤今正徐音許九反讀如朽卽好之古

音不知何時誤爲許元又改元爲袁使學者求其

說而不得矣○箋曰畜古音亦近朽故谷風詩惜

與雉雊等字爲韵聲轉爲許玉切也旭曉昕昫皆

一聲之轉

進也日出萬物進从日从至易曰明出地上晉

切隸

注曰易彖傳晉進也禮古文周禮故書皆假晉爲進至者到也

陽

日出也从日易聲虞書曰暘谷

與章切

注曰洪範八庶徵曰雨曰暘某氏曰雨以潤物暘以乾物孟子秋陽以暴之當作秋暘虞書宋本葉本如是他本作商非也○箋曰錢氏坫曰應作商書曰暘谷字衍也暘谷字在山部灝按楚金引洪範又時暘若以釋之則本作商書曰暘明矣

啓雨而晝姓也从日啓省聲

康禮切

注曰啓之言闔也姓者雨而夜除星見也雨而晝除見日則謂之啓啓亦謂之姓○箋曰錢氏玷曰此晴霽字

𥇑日覆雲暫見也从日易聲

羊益切

注曰覆雲者揜於雲暫見者倏見也此與目部睇義略同○箋曰目部睇暫視兒睇目疾視也見部覷暫見也廣韵睇睇急視也睇睇益目光瞬轉閃燥之貌故訓爲暫視亦訓爲急視與日暫見同義

𥇑日出溫也从日句聲北地有𥇑衍縣

火干切又火句切

注曰𥇑與火部𥇑義略同樂記煦嫗淮南書作𥇑

姬廣韵直以爲一字周禮注曰司馬法旦明鼓五
通爲發眊是知主初日出言也眊衍縣見前書地
理志今甘肅甯夏府靈州東南花馬池境有眊衍
廢縣俗譌作眊衍非○箋曰戴氏侗曰記曰眊姬
覆奇萬物與飲通又作眊

𦉰

日見也从日从見亦聲詩曰見睍曰汧

胡旬切

注曰毛詩見睍曰汧毛云睍日氣也韓詩𦉰睍聿
消韓云𦉰睍日出也二解義相足日出必有溫氣
也廣雅云𦉰𦉰煥也卽韓詩之𦉰睍荀卿非相篇
引詩作宴然詩小雅角弓文○箋曰當作从日見
聲

晏鳥諫切天清也从日安聲

注曰揚雄羽獵賦天清日晏李引許淮南子注曰晏無雲之處也漢天文志日鋪時天星宴星卽今之晴字郊祀之晏溫封禪書作𣊭𣊭猶氤氲也晏之言安也古晏安通用故今文堯典晏晏古文作安安左傳安孺子古今人表作晏孺子

𣊭星無雲也从日燕聲於旬切

注曰姚氏鼎曰星卽姓字按日間雨除亦曰姓無雲謂晴而無雲也晴容有有雲者其字亦作𣊭毛詩見睍曰消韓詩作𣊭睍聿消劉向上封事引之師古注云𣊭無雲也今漢書譌舛不可讀韓詩釋

曉睨爲日氣許以晴無雲釋曉言各有當也一說
星無雲謂星而無雲如雨部風雨土謂風而雨土
也詩星言夙駕韓云星晴也卽許星而無雲之說
○箋曰舊爲無雲而曉睨假爲雲氣之偶猶之肝
爲日晚而晄肝假爲光明之貌也

景光也

段訂作日光也

从日京聲

居影切

注曰日字依文選張孟陽七哀詩注訂日月皆外
光而光所在處物皆有陰光如鏡故謂之景後人
名陽曰光名光中之陰曰影別製一字爾雅毛詩
皆曰景大也其引申之義也古音讀如姜○箋曰
凡光皆有景故俗語恆言光景引申之義爲明其

訓爲大者京之假借也顏氏家訓書證篇云凡陰
景者因光而生故卽謂爲景淮南子呼爲星柱廣
雅云晷柱掛景是也葛洪字苑旁始加多音於景
反

𣎵

日出兒从日告聲

胡老切

注曰謂光明之貌也天下惟絜白者最光明故引
申爲凡白之僞又改其字从白作皓矣

𣎵

皓盱也

皓繫傳作𣎵

从日皋聲

胡老切

注曰皓盱調絜白光明之兒盱同日出光軌軌之
軌非下文訓晚之盱也漢書上林賦采色濇汙史
記作濇盱靈光殿賦濇濇汙汙曹植七啟云丹旗

字俗从白作皤

曄

繫傳
作是

先也从日从𠂔

切筠輓

注曰也當作兒思元賦舊注曄光兒漢書敘傳世宗曄曄吳都賦飾赤烏之曄曄諸本日在絜上玉篇曰說文作畢大徐曰在旁非也○箋曰玉篇所引說文或卽繫傳本今仍之

●

役訂

先也从日軍聲

許歸切

注曰光也二字當作日光氣也四字篆體暉當作
暈周禮暈作輝古文假借字祗禮掌十輝之法以
觀妖祥辨吉凶鄭司農云輝謂日光炁也按日光

氣謂日先捲結之氣釋名曰暈捲也氣在外捲結
之也日月皆然孟康曰暈日旁氣也篆體日在上
或移之在旁改其訓曰光與火部之輝不別蓋淺
者爲之乃致鉉以暈爲新附篆矣从軍軍者圓圍
也王問切大徐許歸切非○箋曰暈讀若蘊聲轉
爲昏又轉爲揮而與輝通後人遂移其偏旁分暈
暉爲二字矣

𠂔晚也从日干聲春秋傳曰日𠂔君勞

古案切

注曰襄十四年左傳杜注曰𠂔晚也春秋傳左氏
昭十二年文今本勞作勤○箋曰晏𠂔晚一聲之
轉

𣎵

切

日行𣎵𣎵也从日施聲樂浪有東𣎵縣讀若酺

支

注曰史記屈原賈生列傳庚子日施兮服集于舍
施卽𣎵字𣎵𣎵迤邐徐行之意𣎵𣎵猶施施詩毛
傳曰施施難進之意樂浪郡東𣎵見地理志樂浪
今朝鮮國地

𣎵

日景也从日咎聲

居消切

注曰景卽今之影字左傳謂之蔭云趙孟視蔭釋
名曰晷規也如規畫也此謂以表度日○箋曰日
影謂之晷因名測影之儀器曰晷也

𣎵

日在西方時側也从日仄聲易曰日𣎵之離

阻力切

注曰隸作昀亦作吳小徐本欠部又出吳字則複
矣夫製字各有意義晏景晷早之日在上皆不可
易也日在上而干聲則爲不雨日在旁而干聲則
爲晚然則昀訓爲日在西方豈容移日在上形聲
之內非無象形也易離九三爻辭○箋曰形聲之
字固有以偏旁上下爲義者然亦有取其字體相
配不可拘墟若如段說昀訓日在西方不容移日
在上然則晷訓爲明晉訓爲進啓爲晝晴晉爲日
晞乾肉其日皆當在上何以置於下乎吳乃昀之
或體冥字正从吳一聲因與吳形近易淆故書傳
罕用久而佚之繫傳存此眞乃一字千金惟入之

矢部爲小誤耳鼎臣以爲俗體而徑刪之妄矣

𠂔日西也从矢日聲

箋曰祁刻繫傳有𠂔篆云日西也从矢日聲楚金曰易日𠂔之離作此字按玉篇云𠂔壯力切日𠂔也𠂔同上是𠂔卽𠂔之重文𠂔下云日𠂔也二字互訓廣韻亦𠂔𠂔並載蓋許書本有𠂔篆而今佚之鼎臣未加渙考反以𠂔爲俗或卽其所刪未可知也然繫傳附之矢部未安日亦非聲

𠂔莫也从日免聲

無遠切

注曰𠂔者日且冥也引申爲凡後之偁○箋曰免與免實一字今本凡从免字之篆皆去一畫此淺

人所爲也今姑仍之

昏日冥也从日氏省氏者下也一曰民聲

呼昆切

注曰士昏禮鄭注日入三商爲昏引申爲凡闇之
侮昏从氏省爲會意絕非从民聲隸書淆亂乃有
从民作昏者唐人作五經文字乃云緣廟諱偏旁
準式省从氏傾矣一曰民聲四字後人所增立刪
○箋曰昏从日氏省出於說文非唐人避諱所改
凡从昏聲之字今作昏者乃緣避諱亂之耳按詩
何彼穠矣維絲伊緡桑柔多我覯瘠釋文竝从昏
玉篇廣韵同古籍亦屢見疑昏當自爲一字其音
武巾切緡瘠等字从之本與昏異唐人避諱改作

緡瘖遂致岐誤其後昏篆既佚後人又於此妄增
一曰民聲四字耳手部之搢金部之錯鳥部之鵠
竝當以昏爲聲又山部鼈亦譌从昏而支部散之
本篆則固未誤此亦其一證也今悉正之

緡

日旦昏時

且原本誤作旦今從段正

从日緡聲讀若新城緡中

洛官切

注曰昏訓冥算者日且冥則緡卽耳也緡他書作
蠻地理志河南郡新城下蠻中故戎蠻子國也郡
國志河南郡新城有鄴聚古鄴氏今名蠻中按漢
新城故城在今河南洛陽縣南蠻音如蠻集韻謨
遺切者是大徐洛官切非也○箋曰緡卽晚之異

文其音輕重之殊耳

晦

不明也从日奄聲

鳥感切

注曰北征賦日晦晦其將暮漢書元帝紀三光晦昧南都賦晦曖蓊蔚吳都賦旭日晦暝凡言晦藹謂陰翳也蜀都賦作菴藹

暗

日無光也从日音聲

烏紺切

注曰集韻類篇皆以晦暗爲一字依許則義各殊明之反當用晦暗主謂日無光眊祲掌十輝之灋五曰闇鄭司農云闇日月食也暗者正字闇者假借字也引申爲凡淡沈不明之偁○箋曰晦暗實一字其音亦輕重之殊說文此二篆相次安知非

以暗爲晦之或體而後人改之耶

晦月盡也从日每聲

荒內切

注曰朔者月一日始蘇望者月滿與日相望字皆从月月盡之字獨从日者明月盡而日如故也日如故則月盡而不盡也引申爲凡光盡之偁僖十五年春秋經晦震夷伯之廟公羊曰晦晝冥也爾雅霽謂之晦○箋曰晦之本義當爲晝晦故从日假爲月盡之偁段云月盡而日如故故其字从日已近穿鑿又云日如故則月盡而不盡此何理耶

埃瞢逗**日無光也从日能聲**

奴代切

注曰埃瞢疊韵通俗文雲覆日謂之埃瞢○箋曰

繫傳曰埃𩇛猶今人言霰錢氏站曰班固終南

山賦曖曖晦靄今俗又作曖曖同

𩇛

陰而風也

段訂作天陰沈也

从日壹聲詩曰終風且𩇛

計於

切

注曰開元占經引作天地陰沈也太平御覽引作天陰沈也邶風終風且𩇛爾雅毛傳皆云陰而風曰𩇛釋名𩇛翳也言雲氣晦翳日光使不明也小爾雅𩇛冥也𩇛主謂不明爾雅毛傳因詩句兼風言耳陰沈當作靄靄○箋曰段說自通然說文訓𩇛多本於爾雅毛詩未宜輕改土部曰壇天陰塵也鈕氏樹玉謂開元占經太平御覽所引蓋誤以

壇為壇是也

𠄎不雨也从日干聲

平肝切

𠄎望遠合也从日匕匕合也讀若窈窕之窈

鳥皎切

注曰合者望遠則其形不分其色不分其小大高下不分是也與杳字義略相近从日匕會意匕者比之省也是亦許書言假借之一也𠄎何以省比有昆字在也窈古讀如黝音轉如杳○箋曰繫傳曰官字从此鄉食皆从𠄎此字上从日𠄎音香上象包米之形

𠄎白虎宿星从日卯聲

莫飽切

注曰召南傳昴留也古謂之昴漢人謂之留故天

官書言昴律書直言留毛以漢人語釋古語也𠂔
古音讀如某𠂔古文酉字字別而音同雖同部而
不同紐是以𠂔聲之留𠂔𠂔𠂔爲一紐卯聲之昴
爲一紐𠂔聲之不讀莫飽切猶𠂔聲之不讀力九
切也惠氏棟因毛傳之語謂昴必當从𠂔其說似
是而非王氏鳴盛尙書後按襲之非也○箋曰錢
氏大昕亦曰史記律書北至于留留卽昴也昴留
旣爲一物則昴亦當从𠂔而讀如𠂔𠂔古文酉惠
錢諸說皆據毛傳史記爲言如此則昴與烏喙之
𠂔其音無別恐非古人立名之法灝謂凡从卯聲
之字讀肴巧韵者本音也其讀入侯有韵則一聲

之轉非因从酉之古文而改讀也諸言从𠂔者皆爲古文酉所誤篆隸他文絕無从𠂔之偏旁亦可見矣餘詳卯部及金部劉下此昴字徐仙民讀如茅陸德明音卯玉篇莫絞切廣韻莫飽切乃漢魏以來相傳之舊音段氏仍而弗改蓋其愼也惟穴部之窮大部之𠂔皆改从𠂔則又自亂其說矣昴亦當从𠂔與𠂔同例今省从日

𠂔

不久也从日鄉聲春秋傳曰鄉役之三月

許兩切

注曰土相見禮曰鄉者吾子尋使某見鄭注鄉曩也按禮注鄉字或作鄉今人語曰向年向時向者卽鄉字也又曰一晌半晌皆鄉字之俗春秋傳左

氏僖二十八年文鼎猶前也此役之三月正與不

久之義合杜作鄉云鄉猶屬也殊誤

曩鄉也从日襄聲

奴明切

注曰釋言曩曩也左傳曰曩者志入而已今則怯也晉語曰曩而言戲乎莊子曰曩子行今子止

𦣻𦣻日也

𦣻原本誤作𦣻今從段正

从日乍聲

在各切

注曰錯本作累𦣻累正俗字𦣻日謂重𦣻其日也

廣韵云昨日隔一宵也

暇閑也

閑段訂作閒

从日段聲

胡嫁切

注曰各本作閑俗字也今正酒誥曰不敢自暇自逸古多借假為暇孫卿子其為人也多假日其出

人不遠也賈逵國語注假閒也登樓賦師假日以
銷憂李善云假或爲暇按假訓大故包閒暇之意
匡謬正俗似未識此意○箋曰閒字有閒隙閒暇
二義寫者往往相亂故閒暇字古多通作閑許用
其通非從俗也

暫

不久也从日斬聲

藏濫切

注曰左傳曰婦人暫而免諸國今俗語云霎時間
卽此字也

𡗗

喜樂兒从日弁聲

皮變切

注曰小雅弁彼鸛斯毛傳弁樂也此昇之假借从
日者熙熙如登春臺之意○箋曰从日義未詳段

說支離無當錢氏坵曰卽今怵字

𠄎美言也从日从曰一曰日光也詩曰東方昌矣尺

切
𠄎籀文昌

注曰咎繇謨禹拜昌言今文尙書作黨趙注孟子引尙書禹拜黨言逸周書祭公解拜手稽首黨言皆昌言之假借也字林讜言美言也此又因黨言而爲之言旁从日从曰會意取縣諸日月不刊之意不入曰部者日至尊也裴松之引易運期讖曰兩日竝光日居午兩日昌字圖讖說字多不合本義蓋昌之本義訓美言引申爲凡光盛之偁則亦有訓爲日光者齊風東方明矣朝旣昌矣許并二

唯

先美也

先美繫傳本作美先

从日往聲

于放切

句爲一句當由轉寫筆誤。箋曰从口蓋取其明義故曰昌明廣雅曰昌光也先亦明也段以縣諸日月釋之殊爲迂謬此字以美言爲本義自當入日部誤載於此全書此類多有亦非以日爲尊也

注曰釋詁曰唯唯皇皇美也唯見爾雅而不見他經泮水箋云皇皇當作唯唯唯唯猶往往也此易皇爲唯復訓唯爲往少儀祭祀之儀齊齊皇皇鄭云皇皇讀爲歸往之往皇氏云謂心所繫往此處鄭不讀爲唯徐仙民於況反非是。箋曰徐讀皇爲唯與鄭異也先美繫傳本作美先似優

明大也从日反聲補縮切

注曰大雅土宇販章釋詁毛傳皆曰販大也

昱明日也

明曰段訂作日明

从日立聲

余六切

注曰日明各本作明日今依眾經音義及玉篇訂

太元曰日以昱乎晝月以昱乎夜范注昱明也日

無日不明故自今日言下一日謂之明日亦謂之

昱日古多假翌爲之本在緝韵音轉入屋韵劉昌

宗讀周禮翌日乙丑音育唐衛包改尙書六翌皆

爲翼

𡗗溫溼也从日𡗗省聲讀與𡗗同

女版切

注曰溫而生溼故从日溫溼生微亦有色赤者未

必不从赤會意也集韻類篇暴暴小赤也○箋曰如段說則从赤當爲指事

喝傷暑也从日曷聲

於敬切

注曰北山經北鄒之山鳥名鶯鵲食之已喝按今俗曰謂鬱蒸之曰喝音如遏卽此字

𤇀熱也从日者聲

舒呂切

注曰暑與熱渾言則一故許以熱訓暑析言則二故大雅溫隆蟲蟲毛云溫溫而暑隆隆而雷蟲蟲而熱也暑之義主謂溼熱之義主謂燥故溽暑謂溼暑也釋名曰暑煮也如水煮物也熱熱也如火所燒熱也

𩇑安𩇑

逗

溫也从日難聲

奴案切

注曰安𩇑疊韵安𩇑猶溫存也廣雅云喝𩇑煖也

安作喝語之轉耳巾部云讀若水溫𩇑則安亦作

溫廣韵集韵類篇𩇑皆讀平聲玉篇𩇑亦奴達切

平則二字皆平去則二字皆去入則二字皆入是

之謂疊韵

𩇑

𩇑微杪也从日中視絲古文以爲顯字或曰𩇑口

兒讀若唵唵或以爲𩇑𩇑者絮中往往有小𩇑也

五合切

注曰廣韵作𩇑明也微妙也从日中視絲蓋察及

微妙之意頁部顯从𩇑聲是𩇑讀如顯可知呼典

切或曰報口兒讀若唸唸當作讀若口唸之唸轉
寫譌奪耳巨錦切或以爲繭者謂或用爲繭字也
繰絲之餘滓中有類結故云絮中往往有小繭繭
之言結也此繭衣之引申也○箋曰廣韵繭讀與
頰同又五合切故深用爲聲而淫亦从之五合切
卽顯之聲轉累卽累之譌蓋由繭省爲累又譌爲
累耳

暴 晞也从日从出从升从米薄報切
日 庶聲隸作暴 古文暴从

注曰考工記畫暴諸日孟子一日暴之引申爲表
暴暴露之義與卒部暴義別凡暴疾暴虐暴虎皆

𡗗部字也而今隸一之經典皆作暴難於提正○
 箋曰暴之本義爲曬米故从日出从升持米暴之
 指事因之凡暴物於日謂之暴引申爲暴疾暴虐
 之僞因引申義行故俗增日旁作曝𡗗部之暴疑
 卽暴之異文暴物讀如僕暴疾暴虐讀如報一聲
 之轉耳

切所智

注曰漢中山靖王傳曰日麗光幽隱皆照麗與麗

乾也耕暴田曰曠从日莫聲易曰燥萬物者莫曠

原本作莫嘆于離
今從繫傳呼盱切

注曰王風傳曰嘆於貌周禮旱嘆之事鄭云嘆熟氣也皆引申之義也桑田曰嘆因之耕桑田曰嘆齊民要術論耕曰甯燥不溼燥雖耕塊一經得雨地則粉解溼耕堅垆數年不佳按同一堇聲而謹殓入諄部漢嘆難則入元部且隸易其字从莫蓋部分甚相近故也易說卦傳文今作煖○箋曰毛云於貌言摧之乾也周禮旱嘆猶言旱乾皆本義非引申隸書謹勤等字作堇嘆難等字作莫在古篆本是一字因聲轉而變其體耳

𠄎 乾也从日希聲

香衣切

注曰小雅湛湛露斯匪陽不晞毛傳陽日也晞乾

也方言膊曬晞暴也暴五穀之類秦晉之間謂之曬東齊北燕海岱之郊謂之晞又曰晞燥也

𩚑乾肉也从殘肉日以晞之與俎同意思積切𩚑

籀文从肉

注曰鄭注周禮膾人云膾之言夕也此可證周禮故作𩚑字後人改之𩚑者古文𩚑肉必經一夕故假𩚑爲夕穀梁經辛卯𩚑恆星不見左傳爲一𩚑之期列子𩚑𩚑夢爲君皆是又引申之則假𩚑爲昨又引申之則以今𩚑爲今古矣今古之義盛行而其本義遂廢凡久謂之𩚑周禮𩚑酒鄭云今之𩚑久白酒是也从殘肉謂𩚑象形籀文𩚑今隸作

膳專用諸脯膳

𥇑

日近也从日匿聲春秋傳曰私降𥇑燕尼質切𥇑

𥇑或从尼

注曰日謂日日也釋詁小雅傳皆云𥇑近也左傳不義不𥇑非其私𥇑誰敢任之春秋傳左氏昭二十五年文今本作昵考工記凡昵之類不能方故書昵或作機或爲𥇑杜子春讀爲不義不昵之昵按古文假尼爲昵古文尙書典祀無豐於尼釋詁云卽尼也孫炎曰卽猶今也尼近也郭璞引尸子悅尼而來遠釋文引尸子不避遠尼自衛包改尙書作昵宋開寶閒又改釋文而古文之讀不應爾

雅矣

𡵓

原本作𡵓誤今從段正

日狎習相嫚也

嫚原作慢今從繫傳

从日執聲

執原作執今正私列切

注曰嫚者侮易也小雅曾我𡵓御傳云𡵓御侍御也楚語居寢有𡵓御之箴韋云𡵓近也𡵓與𡵓音同義異今則𡵓行而𡵓廢矣

𡵓

不見也从日否省聲

美畢切

注曰此字古籍中未見其訓云不見也則於从日無涉其音云否省聲則與自來相傳密音不合且何不云不聲也以理求之當爲不日也从不日王風曰不日不月謂不知其旋反之何日何月卽上

章之不知其期也大雅不日成之箋云不設期日
今俗謂不遠而不定何日亦曰不日卽形卽義許
書有此例自讀許書者不解而妄改其字或改作
音廣韵改作音意欲與覺之俗字作覓者比附爲
一○箋曰詩言不日不月不日成之偶以不日二
字相屬爲文豈有緣此專造一字者乎段說殊迂
謬此字古今罕用闕疑可耳

𧈧同也从日从比

古渾切

注曰夏小正昆小蟲傳曰昆者𧈧也由魂魄也者
動也小蟲動也王制昆蟲未蟄鄭注昆明也明蟲
者得陽而生得陰而藏以上數說兼之而義乃備

惟明斯動動斯眾眾斯同同而或先或後是以昆
義或爲先如昆弟是也或爲後如昆命元龜釋言
昆後也是也○箋曰段說支離穿鑿不可爲訓昆
之本義爲同與手部提同義假借爲昆蟲字耳昆
弟之昆本作𡗗古與昆通也段又曰从日者明之
義也亦同之義也从比者同之義今俗謂合同曰
渾其實當用昆此說則是也

𡗗

兼咳也从日亥聲

古哀切

注曰吳語一介嫡女執箕帚以咳姓於王宮韋注
咳備也姓庶姓引曲禮納女於天子曰備百姓廣
雅咳皆咸也按此咳備正字今則該咳行而咳廢

矣莊子淮南作咳今多作該从日日者天下所大同也

𣎵日無色也从日竝聲

原作从竝今依繫傳竝古切隸作普

注曰日無色此義古籍少用衣部袷下曰無色也讀若普兩無色同讀是則普之本義實訓日無色今借爲溥大字耳小徐作竝聲竝古音同傍轉入虞模部袷讀若普知普古音亦讀若伴以雙聲爲用也○箋曰日無色之訓見者莫不駭怪之而不知其無足異也普徧之義本作溥因與普同聲通用久而昧其本義遂爲借義所專全書此類甚多不可枚舉如曰不然則普之字義爲日先普照故

訓爲徧而从日从竝此理甚淺人所共知豈許君

反有所不知邪

曉明也从日堯聲

呼鳥切

注曰此亦謂旦也引申爲凡明之稱方言黨曉哲知也楚謂之黨或曰曉齊宋之間謂之哲曉昕二篆鉉本奪而綴於末○箋曰繫傳次哲下今姑仍

原本

昕旦明日將出也从日斤聲讀若希

繫傳作讀若忻許斤切

注曰小徐本作旦也明也今正爲且明文王世子大昕鄭注早昧爽也是昕卽晨而未旦也士昏禮記凡行事必用昏昕齊風東方未晞毛傳晞明之

始并接蒹葭湛露傳皆云晞乾也此云明之始并
則當作听無疑听與晞各形各義而听讀同希因
誤爲晞耳說文讀若希見文王世子音義錯作讀
若忻非也斤聲而讀若希者文微二韵之合也今
讀許斤切則又合乎最初之古音○箋曰許云旦
明者渾言之耳下云日將出則固未大明也不得
輒改又凡从斤聲之字皆在文韵周秦閒旃頤沂
斲斲等字聲轉入微韵而听亦讀曰希

文七十 重六

瞳瞳日欲明也从日童聲徒紅切

瞬瞳也从日龍聲盧紅切

鈕曰文選文賦情瞳矐而彌鮮李注引埤蒼曰瞳矐欲明也按說文童訓目童子龍訓龍則童龍本有明義疑瞳矐乃童龍之俗字

𠄎明也从日戶聲

侯古切

鈕曰玉篇𠄎文彩也方言效𠄎文也郭注𠄎𠄎文采兒也按文選上林賦煌煌扈扈李注引郭璞曰言其光采之盛也扈義當與𠄎同

𠄎明也从日方聲

分兩切

鈕曰玉篇𠄎明也適也按惠氏棟九經古義云公羊傳始滅𠄎於此平注云𠄎適也齊人語棟按五年傳始僭諸公𠄎於此平蔡邕石經公羊𠄎作放

蓋昉放古通用

𣎵明也从日交聲

子峻切

鈕曰玉篇𣎵早也按釋詁朝旦夙晨𣎵早也郭注

𣎵亦明也

𣎵明也从日成聲

承正切

鈕曰郭注釋詁曰穆穆以上皆美盛之貌釋文盛或作𣎵𣎵卽晨之異體

𣎵日長也从日永會意

丑兩切

鈕曰玉篇𣎵明久也文選琴賦固已和𣎵而足耽矣李注引廣雅曰𣎵通也又雅𣎵唐堯注引七略雅暢第十七琴道曰堯暢逸和與暢同據此知古

通作暢暢乃暢之俗體

軍 日月氣也从日軍聲

王問切

鈕曰玉篇暈日月旁氣也錢先生云淮南覽冥訓畫隨灰而月運闕高注運者軍也將有軍事相聞守則月運出也按周禮太卜掌三夢之灋其經運十鄭注運當爲輝是視祿所掌十輝也據此則暈與輝運竝通

𣎵 周年也从日卒卒亦聲

子內切

鈕曰太元經晬君道也又參珍晬精當同易純粹精也之粹至訓周年者疑卒之俗字

𣎵 明也隱也从日央聲

於敬切

鈕曰玉篇映明也又映隣不明也按孟子盡心篇
粹然見於面盎於背盎與見對是盎義近映疑映
古作盎其訓不明者當是泱字李注文選謝元暉
京路夜發詩引字書云泱泱不明之貌

曙曉也从日署聲

常恕切

鈕曰瞿鏡濤云李善文選注引說文曙旦明也凡
婁見疑古本說文本是曙字後爛脫作曙按博雅
有曙無曙玉篇曙適當說文曙字之次其訓旦明
之曙則在俗字中瞿說是也

𣎵日𣎵也从日失聲

徒結切

鈕曰玉篇𣎵徒結切日吳也臧在東云周禮大司

徒職日東則景夕多風鄭司農云景夕謂日跌景乃中立表處左昭五年傳故有十時杜預注日跌為臺據葉鈔本釋文作日跌正義曰日跌謂蹉跌而下也知孔本當作跌矣跌跌古通用

𩇛 雲布也从日雲會意

徒含切

鈕曰玉篇雲徒含切𩇛𩇛黑雲兒廣韵𩇛雲布也按文選藉田賦翠幕黝以雲布李注引魏文帝愁霖賦曰元雲黝其四塞黝黑貌也據此則𩇛乃黝之俗字音義竝合也

𩇛 𩇛象也从日𩇛聲史記通用𩇛

郎華切

𩇛 舉也从日𩇛聲

五岡切

鈕曰昂通作印玉篇昂我也君之德也按印我也
見毛傳匏有苦葉印印君之德也見釋訓詩卷阿
亦作印臧在東云漢平都相蔣君碑及衡方碑已
有昂字

𠄎日上也从日升聲古只用升

識蒸切

鈕曰玉篇昇式陵切或升字廣韵昇日上也本亦
作升詩云如日之升升出也俗加日徐氏曰古只
用升按易升卦釋文云鄭本作昇馬云高也則漢
時已有此字

文十六

新附

日一明也从日見一上一地也凡旦之屬皆从旦

得案切

注曰明當作朝下文云朝旦也二字互訓大雅板篇毛傳旦明也此旦引申之義非其本義○箋曰許君解字有互訓而非字字皆然段說固矣旦明之訓本於毛傳乃其本義非引申也从日在一上日初出地平時也此指事兼會意

𣎵 日頗見也从旦既聲

其異切

注曰日頗見者見而不全也𠂔部曰𠂔眾與詞也引唐書𠂔咎繇𠂔之假借多作泊作𣎵○箋曰廣雅曰頗衰也左氏昭十二年傳注頗偏也𣎵之義蓋謂日是今爲語詞所專而昧其本義矣公羊傳曰會及𣎵皆與也𣎵訓爲及而爾雅曰𣎵不及也

者蓋一字兼反正二義也三國志吳有暨暨音居
乙反蓋讀與及同

文二

𣎵日始出先𣎵𣎵也从旦𣎵聲凡𣎵之屬皆从𣎵

切𣎵𣎵𣎵

注曰𣎵蓋𣎵之籀文汗簡朝作𣎵翰作𣎵可證○
箋曰日始出高處先得其景故从旦从𣎵旌旗
也繫傳引李陽冰云𣎵蓋籀文

𣎵旦也从𣎵𣎵聲

陟遙切

注曰朝之義主謂日出地時也○箋曰爾雅釋詁
曰朝旦早也因之晨見曰朝臣於君子於父母

於舅姑屬吏於上官皆是諸侯相見亦曰朝周禮
大宗伯春見曰朝內則曰昧爽而朝史記項羽紀
羽晨朝上將軍宋義是也春為歲之朝故春見曰
朝又因之併朝廷曰朝郡守亦併郡朝後漢循吏
劉寵傳曰山谷鄙生未嘗識郡朝是也

文二

原本誤作文
三今從繫傳

重一

从

旌旗之游从蹇之兒从巾曲而下垂从相出入也

讀若偃古人名从字子游凡从之屬皆从从

於性切

从

古文从字象形及象旌旗之游

原本古文與
小篆無異今

從繫
傳

注曰从巾謂杠首之上見者曲而下垂者象游游

相出入者謂從風往復如一出一入然故从入大
徐云此字从中下垂當作𠂔相承多一畫殊誤
會古人名从字子游晉有籍偃荀偃鄭有公子偃
𠂔偃孔子弟子有言偃皆字游今之經傳皆變作
偃偃行而从廢矣○箋曰从者旌旗飛揚之貌而
非旗游之名也故造字卽象旗形而爲諸旗之建
類焉从之言偃蹇也卽偃蹇之合聲也飛揚之貌
於游見之故古人名从字子游从通作偃阮氏鐘
鼎款識子執旂彝有𠂔字左象旗杠右象終游飄
𠂔之狀與古文𠂔略同此字古文象形小篆由古
文變就其體析而言之則爲从入而實非其

字也鼎臣謂从中下垂當只作𠂔相承多一畫按
篆亦無斜畫此取其字形茂美而增之考石鼓
文𠂔字中之右畔有小斜畫或左或右本無定在
不可爲典要也段氏以此斜畫爲游蓋未得其形
古文及象旌旗之游及疑人之譌謂𠂔之右旁象
游也古文及作𠂔與人形近故誤爲及矣

游

龜蛇四游以象營室悠悠而長

悠悠原作游游今從繫傳段訂作攸

攸

从𠂔兆聲周禮曰縣鄙建旐

治小切

注曰考工記曰龜蛇四游以象營室也鄭注營室

元武宿與東辟連體而四星故龜蛇四游司常掌
九旗之物名龜蛇爲旐爾雅曰緇廣充幅長尋曰

旐古悠長字皆作攸攸旐聲近以疊韵釋之○箋曰旐常之屬皆以邪幅爲之唯旐與旐爲正幅正幅則四游當幅盡處下垂旐則於其下爲燕尾也自康成謬謂正幅爲綫遂相沿誤互詳游下又繫傳此篆在旗下旐上是也

𧣾

熊旗五游以象伐星

伐原本誤作

士卒以爲期

於其聲周禮曰率都建旗

渠之切

注曰考工記曰熊旗六游以象伐也司常職曰熊虎爲旗鄭注以屬白虎宿與參連體而六星按記不言虎者舉以包虎期旗疊韵釋名云與眾期之於下也率都建旗司常職文今周禮作師都師

者帥之誤樂師注曰故書帥爲率是也○箋曰
旗七游熊旗六游此六誤作五蓋因侯伯七游子
男五游相涉而誤

旒繼旒之旗也沛然而垂从𠂔宋聲

蒲蓋切
隸作旒

注曰爾雅曰繼旒曰旒郭注帛續旒末爲燕尾者
何沐注公羊云繼旒如燕尾曰旒釋名云旒以帛
繼旒末也沛旒疊韵○箋曰旒从市市者輶也亦
謂蔽帛在裳前其左右如燕尾形旒亦爲燕尾故
从市旒之言沛也沛然而長下垂以爲游也釋名
云白旒殷旒也按小雅六月宣王北伐之詩而云
白旒典典則非殷制明矣鄭注司常云九旗之帛

皆用絳恐不盡然鄭以周人尚赤故云爾絳者纁帛亦非赤也

旌游車載旌析羽注旌首所以精進士卒从从生聲

子盈切

注曰游車載旌司常職文鄭云游車木路也王以田以鄙司常職曰析羽爲旌爾雅釋天曰注旌首曰旌李巡曰以羗牛尾著旌首郭云載旌於竿頭如今之幢亦有旒鄭注周禮云全羽析羽皆五采繫之於纛旌之上所謂注旌於干首也鄭云明堂位曰夏后氏之綏綏以旌牛尾爲之綴於幢上所謂注旌於干首者蓋夏后氏但用旌牛尾周人加

用析羽夏時徒緩不旒周人則注羽旒而仍有繆
旒庸風子子干旒傳云子子干旒之兒注旒於干
首大夫之旒也此可證大常旂旃旗旛旒七者
皆得注羽旒於首矣精旒疊韵釋名曰旒精也有
精光也○箋曰司常云全羽爲旒析羽爲旒灝按
旒旒以羽爲飾其干首亦皆有旒惟不復施繆游
爲異注疏家所言互有參差析羽者蓋聯綴鳥羽
纍纍然次第相貫而下謂之旒全羽則緝鳥羽爲
長纓若流蘇謂之旒皆自干首下垂如諸旂之有
繆游也餘詳羽部翼下

繆錯革鳥其上

原本鳥上有畫字今從段刪

所以進士眾旛旛眾

說文解字注卷十七
也从𠂔與聲周禮曰州里建旗

以諸切

注曰各本鳥上有畫字矣人所增韻會所據小徐本無此字今刪司常曰鳥隼爲旗爾雅曰錯革鳥曰旗小雅毛傳曰鳥章錯革鳥爲章也李巡云錯革鳥者以革爲之置於旄端孫炎云錯置也革急也言畫急疾之鳥於繆郭云此謂合剝鳥皮毛置之竿頭三人釋革各不同許意大約於孫說無異州里建旗司常職文○箋曰舊說皆未識革之字義灝謂革當如斯干如鳥斯革之革毛傳革翼也錯革鳥者蓋錯畫飛鳥之形於繆耳錯革鳥曰旗與交龍爲旂句法相似錯猶交也旗上龜蛇龍

之屬皆繪事其爲畫不待言今本鳥上有畫字蓋
淺人增之革上而誤倒者段氏據韵會刪之是也
旗之言與也楚茨箋云與與蕃庶貌無羊云眾維
魚矣旒維旗矣毛傳旒旗所以聚眾也

旒有鈴曰旂

原作旂有眾
鈴今從繫傳

以令眾也从𠂔斤聲

渠希切

注曰爾雅曰有鈴曰旂司常職曰交龍爲旂許偁
爾雅不偁周禮者錯見其說欲學者互攷也畫交
龍於正幅一升一降象諸侯升朝下復也周頌曰
龍旂陽陽和鈴典典傳云鈴在旂上李巡云以鈴
著旒端郭璞云縣鈴於竿頭按李說近是惟羽旄
注竿首鈴非著竿首之物也左傳錫鸞和鈴杜云

鈴在旂李云以鈴著旂端公羊疏左傳疏同周頌
疏旒作旒誤云旒者旒亦旗正幅之通稱也令鈴
與旒疊韵旒古音讀如芹○箋曰爾雅曰素升龍
于綦綦當是邪幅段以李巡注旒誤作旒故謂畫
交龍於正幅耳縣鈴之處當從毛傳杜注渾言在
旂爲是

綦

導車所載

原本所下有以字今從段刪

全羽以爲允

句

允進

也从从遂聲

徐醉切

煥

旒或从遺

注曰各本作所以載今從御覽訂司常職曰道車
載旒旂車載旌鄭注道車象路也王以朝夕燕出
入按道導字異許鄭所據不同也允旒亦雙聲疊

韵詩仲允膳夫古今人表作膳夫中術術與從
同音通用允古音如戈盾之盾是以漢之大子中
盾後世偶大子中允允盾術遂四字音近允進也
者謂允卽執之假借本部執進也○箋曰全羽爲
翼正似盾形漢之羽葆幢蓋其遺制餘詳旌下

燿

建大木置石其上發機以碓敵也

發下原本衍以字今刪碓原本

作追今從繫傳

从會聲春秋傳曰燿動而鼓詩曰其燿

如林

段訂作旌旗也从从會聲詩曰其燿如林春秋傳曰燿動而鼓一曰建大木置石其上

碓以碓敵古外切

注曰大小徐本皆非許書之舊今依韵會訂前

一說燿爲旌旗故厠於旂旄旃三篆閒詩大雅大

明文詩作會三家詩作檐許偁七而不廢三家也
馬融廣成頌曰旃檐摻其如林李長所偁同許而
檐爲旃之類則說亦同許也飛石起於范蠡兵法
左傳云親受矢石恐尙非飛石春秋傳桓五年左
氏傳文杜曰檐旃也與許合疏云賈侍中以檐爲
發石許之別義正用賈說也魏志太祖乃以發石
車號曰霹靂車裴注引魏氏春秋曰以古有矢石
又傳言檐動而鼓說曰發石也於是爲發石車所
云說曰者卽謂賈侍中也○箋曰左傳杜注曰檐
旃也通帛爲之蓋今大將之麾也執以爲號令疏
曰檐之爲旃事無所出說者相傳爲然賈逵以

爲發石一曰飛石引范蠡兵法作飛石以證之按
范蠡兵法雖有飛石之事不言名爲旛也注以旛
說爲長灝按詩言其旛如林左氏言旛動而鼓未
必爲發石之用杜訓旛爲旛其義爲優段改發石
爲別一義是也惟旛之本解當從杜元凱不得訓
爲旛旛

旛

旗曲柄也所以旛表士眾从从丹聲周禮曰通帛

爲旛

諸延切

煇旛或从𤇗

注曰漢田蚡傳曰前堂羅鐘鼓列曲旛蘇林曰禮
大夫立曲旛曲旛柄上曲也按蘇林所據禮正與
周禮司常孤卿建旛大司馬帥都載旛合帥都遂

大夫也左傳曰昔我先君之田也旃以招大夫正
謂大夫用旃也庸風傳曰干旄大夫之旃所以旃
表士眾旃當爲展以疊韵爲訓通帛爲旃司常職
文注云帛謂大赤從周正色無飾爾雅因章曰旃
郭云因其文章不復畫之○箋曰子虛賦靡魚須
之橈旃師古曰橈旃卽曲旃也灝按魚須當作魚
頰字之誤也說見通介堂經說禮記魚須文竹篇
假借爲語詞如詩言尙愼旃哉舍旃舍旃是也戴
氏侗曰之焉之合爲旃

旃旌旗之流也

流繫傳作旃

从𠂔攸聲

以周切

箋曰下文旌旌旗之流也與此音義同集韵云旌

亦作旅

𣎵旗屬从𣎵要聲烏皎切

箋曰下文有旛篆云旌旗旛繇當作旛旆然此後造之字依次亦當在旛下蓋此篇為後人竄亂者多矣

𣎵旗兒段訂作旛旛施也从𣎵也聲齊樂施字子旗知施者

旗也式支切

注曰經傳假此為敷故字毛傳施移也此謂施即延之假借大雅施于條枚呂氏春秋韓詩外傳新序皆引作延齊樂施見左氏傳孔子弟子巫馬施亦字子旗○箋曰施有延長義故詩施于中谷施

𣎵旌旗𣎵繇也

繇繫傳作搖

从𠂔與聲

匹招切

注曰旌今字作飄繇作搖廣成頌曰羽旄紛其影
𣎵即旌繇之假借○箋曰錢氏站曰霍去病爲票
姚校尉亦以此得倂

𣎵旌旗飛揚兒从𠂔𣎵聲

甫遙切

注曰扶搖風曰𣎵義略相近○箋曰旌即旌字
旌旗之流也从𠂔𣎵聲𣎵古文𣎵

四字據繫傳補以周切

𣎵古文游

注曰流集韻類篇作旒俗字也周禮王建大常十
有二游上公建旂九游侯伯七游子男五游孤卿
建旌大夫士建物其游各視其命之數旗之正幅

爲繆游則屬焉鄭注節服氏王之大常十二旒兩
兩以縷綴連然則旗之制游屬於兩旁游亦曰旛
揚雄賦有此字周禮作旂引申爲凡垂流之偁如
冕弁之旂是也又爲出游嬉游古文逕从辵者流
行之義也从孚者浮省聲也俗作遊者合二篆爲
一字也○箋曰巾車鄭注云正幅爲繆故段用其
說以爲游屬於兩旁但諸旗惟旂旆旃物爲正幅
餘皆褻幅繆之言參也參差之義隅角之制也諸
言旂施旒絲卽指其褻垂之狀觀禮龍旂弧韞鄭
注弧所以張繆之弓惟其褻垂故有弧以張之矣
游屬於繆蓋出於褻幅及其底今之旗式猶古之

遺制也游从汙聲本有可疑古文遼从孚而以
汙省更不可解旂當爲本字石鼓文已有之从子
執从子卽人也游者汙游之義故从水而用汙爲
聲又隸書有遊字从辵蓋本有此篆而說文未收
遼疑卽遊之省因从古文孚而謂之古文耳

旂 旂旗披靡也从𠂔皮聲

敕駕切

注曰披靡當是指靡之誤淺人所改也爾雅曰旂
謂之龍龍卽旂字集韻類篇皆作靡謂之旂○箋
曰左氏莊十年傳望其旗靡是古有此義段以披
靡爲指靡之誤恐非

旂 周旋

逕

旂旗之指靡也从𠂔从疋

句疋

疋

逕

足也

似

切

注曰左傳曰師之耳目在吾旗鼓進退從之手部
摩下曰旌旗所以指摩者也旗有所向必運轉其
杠是曰周旋杠之拄地者是旌旗之足也○箋曰
旌旗所以齊眾執以指麾令士卒望而前却非運
轉其杠之謂也从疋爲足者楚金云人足隨旌旗
以周旋是也段以杠之拄地者爲旌旗之足亦失
之此指事兼會意戴氏侗云引之凡回旋旌反皆
取此義旌之不自已爲旌去聲

𣎵

幢也从𣎵毛聲

原本作从毛毛亦聲
今從繫傳其袍切

注曰古以犛牛尾注竿首故詩言于旌言建旌有

旄則亦有羽不言羽者舉一以咳二其字从𠂇从
毛亦舉一以咳二也○箋曰旄旌之屬言旄亦有
羽旌常之屬則有旄有繆而無羽以犛牛尾注竿
首曰旄故其字从𠂇从毛與羽無涉段謂舉一以
咳二六書無此法也幢本幬帳之名漢之羽葆幢
假名焉此毛訓爲幢自指羽葆幢而言然旄爲旌
旗上飾不得專訓爲幢也

幡

幅胡也从𠂇番聲

孚袁切

注曰幅胡當作幡胡今正廣韵云幡者旗旄總名
古通謂凡旗正幅曰旄是則凡旗幅皆曰幡胡也
集韵韵會引說文下有謂旗幅之下垂者七字○

箋曰肉部曰胡牛領垂也蓋牛領下有垂肥謂之胡引申之則凡物之曲如胡者皆曰胡段謂凡旗幅皆曰旛胡大繆旗有正幅有裒幅有旛胡旛胡之制其幅蓋上平而下斜曲與戈援之胡相似旛之言翻也繆之反也比物醜類以求之其制固可觀矣楚金曰魏晉以來有旛所以爲信蓋旛胡之遺制也

旛軍之五百人爲旅从从从俱也力舉切
古文旛古文以爲魯衛之魯

注曰大司徒五人爲伍五伍爲兩四兩爲旛五卒爲旅五旅爲師五師爲軍以起軍旅从从者旛旗

所以屬人耳目引申爲凡眾之稱○箋曰戴氏何
曰竝人在扈下以旗致民之義也合祀五帝天神
爲旅上帝徧祀山川爲旅四望祀羣神於泰山之
下爲旅於泰山同見爲旅見徧酬地下爲旅酬延
實之陳以百爲旅百皆取於眾義也借爲行旅羈
旅繫傳曰眾出則旅寓故在外爲旅灝按此指事
兼會意凶部者下云衆古文旅疑衆卽衆之譌體

𠂔

矢鋒也束之族族也从𠂔从矢

昨木切

注曰今字用鏃古字用族族族聚兒○箋曰矢所
叢集謂之族族湊也言湊集於侯中也因之矢鋒
謂之族射禮以旗唱獲倚旌於侯中當射則以旌

居乏而待獲故从矢在𠂇下指事兼會意引申之
凡聚處皆曰族廣雅曰湊族聚也又因之爲類爲
𠂇因引伸義行而本義廢又別製𠂇字又按集韻
類篇韵會引說文一曰从𠂇所以標𠂇𠂇矢之所
集蓋旣引說文而兼采他說以附益之故加一曰
二字段氏誤認一曰爲說文正解後之別義輒取
以增入許書又因其義與正解無異遂以一曰二
字爲衍而刪之殊爲疏率今不取

文二十三 重五

𠂇幽也从日从六六聲日數十十六日而月始虧幽
也凡冥之屬皆从冥

莫經切原本篆
誤作𠂇今正

注曰幽當作窈今正○箋曰大雅靈臺篇釋文引
字林云冥幽也卽本許義段改幽爲窈非也此篆
及說解乖舛字形無十而云日數十已無所取義
況以十日爲十六日又不用十而但从六且旣以
十六日爲月始虧乃又不从月而从日造字有如
此支離惛恍者乎今按篆當作冥从吳一聲日吳
而冥也吳之下體大與介形近漢隸作吳九極相
似遂譌从六而書作冥相承旣久莫能辨識許沿
舊說未及審正或後人有所改竄也冥从一一聲故
周禮冥氏讀冥歷切

𦣻

冥也从冥𦣻聲讀若𦣻蛙之𦣻

繁傳無冥也二字及讀若以下六字

武庚切

注曰此字見於經者文十五年左傳曰一人門於句麗杜云魯邑名

文三

晶 精光也从三日凡晶之屬皆从晶 子盈切

箋曰晶即星之象形文故曷農字从之古文作晶

晶二形因其形略故又从生聲小篆變體有似於

三日而非从日也古書傳於晶字別無他義精光

之訓即星之引申因聲轉為子盈切遂岐而二之

耳


晶 生萬物之精上為列星从晶生聲一曰象形从口古

口復注中故與日同

桑經切


古文星星或

省

注曰星之言散也引申為碎散之僻陽精為日日
分為星故其字日生為星○箋曰初學記引春秋
說題辭曰星之為言精也灝按星名多取象於物
是謂萬物之精上為列星从象形古口復注中
故與日同者言於口中加點遂似日字明其非从
日也星者疊之省體段云日生為星真繆說也



商星也从晶

聲

參或省

隸作

參

注曰商當作晉許氏記憶之誤也左傳子產曰辰

爲商星參爲晉星則商當爲晉明矣或曰此以篆
文參連商句絕釋爲星也夫苟汜釋爲星安用商
字參商之云起於漢時辭章聯綴不倫許君何取
此於農舉國語農祥釋之於參舉晉星釋之一重
民事一重分野也召南傳曰參伐也漢人參伐統
呼伐故毛以伐釋參參聲疑後人竄改當作參象
形今隸變爲參用爲參兩參差字○箋曰段謂商
當作晉其說自通惟以參爲象形則大謬參古音
讀若森故从參聲鼎臣以今音讀若參故疑參非
聲段以參爲形者蓋所著音均表以參聲入侵部
參聲入文部故強聲爲形以就已說耳鈕氏樹玉

日班孟堅典引序珍與音爲韵則參从參聲無疑也參當是古文今隸作參卽由此變而參字廢矣

辰房星爲民田時者从晶辰聲植鄰切辰農或省

注曰周語曰農祥晨正日月底於天廟土乃脈發韋注農祥房星也晨正謂立春之日晨中於午也農事之候故曰農祥○箋曰農古通作辰周語又曰辰馬農祥也爾雅曰天駟房也大辰房心尾也蓋房心尾三宿連體最爲明大故農家以爲候晨中於午卽月令孟春旦尾中也以房言者舉大辰之首宿耳从晶象形辰聲戴氏侗曰晨从日乃晨昏之辰按說文晨昏字作晨說見曰部

𠄎

揚雄說以為古理官決罪三日得其宐乃行之从

晶从宐亾新以為疊从三日太盛改為三田

徒叶切

箋曰一切經音義九引倉頡篇疊重也積也多部

曰重夕為多重日為疊爾雅釋詁曰宐事也疊者

衆日庶事積疊也揚子雲說恐非字之本義周官

小司寇聽獄訟至于旬乃弊之豈三日遂謂得宐

乎疊从三田蓋衆之省亦積疊義也

文五 重四

𠄎

闕也太陰之精象形凡月之屬皆从月

魚厥切

注曰月闕疊韵釋名云月闕也滿則闕也○箋曰

古文作𠄎見明篆下鐘鼎文作𠄎象上下弜之形

日象圓形故月象其闕也小篆相承作𠂔取字形

茂美耳

𠂔月一日始蘇也从月𠂔聲

所角切

箋曰白虎通曰朔之言蘇也明消更生故言朔釋名曰朔蘇也月死復蘇生也引申爲凡始之偁日月合朔於北故北方謂之朔方

𠂔月未盛之明从月出聲

聲字據繫傳補

周書曰丙午朏乃

切又芳尾切

注曰律厯志曰召誥惟三月丙午朏三月甲辰朔之三日也○箋曰月朔初生明至初三乃可見故三日曰朏从月出會意出亦聲楚辭九思篇時朏

朏兮旦旦王注日始出光明未盛爲朏音義與朏
同說文日部未收朏字古或通作朏淮南天文訓
日登于扶桑爰始將行是謂朏明是也

霸月始生

逗

霸然也承大月二日承小月三日以月

霸聲周書曰哉生霸

音伯切臣鉉等曰今俗作必駕切以爲霸王字

𠄎

古文霸

注曰霸魄壘酌鄉飲酒義日月者三日則成魄正
義云前月大則月二日生魄前月小則三日始生
魄馬注康誥云魄朏也謂月三日始生兆朏名曰
魄白虎通日月三日成魄八日成光按已上皆謂
月初生明爲霸而律厯志曰从霸朔也生霸望也

孟康曰月二日以往明生魄歿故言歿魄魄月質也三統說是則前說非矣周書康誥顧命文○箋日月體渾圓隨天旋轉受日而成光其黑體謂之霸晦則光盡至朔而蘇謂之生明明生而霸歿故曰歿霸望則光滿既望黑體漸見謂之生霸故漢志曰歿霸朔也生霸望也古通作魄孟康云魄月質也是也許云月始生霸然者謂月初生明時見其黑體霸然也蓋光盛則霸不可見矣鄉飲酒義白虎通謂月三日成魄蓋就月魄初見時而言猶自可通若馬融以爲月三日始生兆朏名曰魄則大誤矣孔穎達以歿魄爲生魄亦有所未解也假

借爲霸王之霸讀音駕切聲之轉也霸王字古祇

作伯說見人部

朏明也从月良聲

盧黨切

注曰今字作朗大雅高朗令終傳曰朗明也釋言

曰朗朗也

朏晦而月見西方謂之朏从月兆聲

土了切

注曰朏朏皆言月之變也尙書五行傳曰晦而月

見西方謂之朏朏則侯王其茶鄭注朏條也條達

行疾貌茶緩也日君象也月臣象也君政急則日

行疾月行徐臣逸遁不進也○箋曰朏之言兆也

謂其才有朕兆也時未合朔而月已見西方是其

行疾也鄭既以朧爲行疾貌而又言月行徐殊爲乖舛蓋本言君政緩則日行徐月行疾臣放恣也與下文側匿注互易之誤餘詳胸下漢書五行志下曰劉向以爲朧者疾也君舒緩則臣驕慢故日行遲而月行疾是也然晦不應見月此古人推步之失耳服虔以日晦食爲朧別一義見五行志注

月

原本篆作

誤今從段正

朔而月見東方謂之縮胸

胸原作人

月肉聲

肉原誤作內今正女六切

注曰尙書五行傳朔而月見東方謂之側匿側匿則侯王其肅鄭注側匿猶縮縮行遲貌肅急也君政緩則日行徐月行疾臣放恣也○箋曰胸之言

縮也合朔不應見月而尚見東方言其行遲也鄭
注當云君政急則日行疾月行徐臣遂遁不進也
與上文朧注互譌說已見前漢書五行志下曰劉
向以爲仄慝者不進之意君肅急則臣恐懼故日
行疾而月行遲不敢迫近君也不舒不急以正失
之者食朔日

朔會也从月其聲

渠之切

古文朔从日丌

注曰會者合也期者要約之意所以爲會合也○
箋曰日月之行大凡二十九日有奇而會謂之合
朔是爲一月十二月則一周天而復會於故處謂
之期是爲一年期之言期也如期而會也因之爲

期會之義字又作朞同廣韵以期爲期會朞爲周年此後人強生分別耳字又作稭見禾部

文八 重二

朜月朜朜也从月蒙聲

莫工切

朜朜朜也从月龍聲

盧紅切

鈕曰廣韵引釋名朜朜也如在蒙朜之內不可察也今本釋名蒙朜作朜朜蓋後人改一切經音義卷十四蒙朜注云蒙朜謂不明了也

文二 新附

𠄎不宐有也春秋傳曰日月有食之从月又聲凡有之屬皆从有

云九切

注曰謂本是不當有而有之偁引申遂爲凡有之
偁○箋曰春秋書日有食之及有蝨有蠱之類謂
不宐有可也如曰有年豈亦不宐有乎此義殆非
也段說亦皮傳戴氏侗曰月自無而有故有之義
取焉其說似通凡言有者皆自無而有然後謂之
有月由晦而生明自無而有之象也或曰从肉古
者未知稼穡食鳥獸之肉故从又持肉爲有也

𠄎

有文章也从有𠄎聲

於六切

注曰𠄎古多假𠄎字爲之𠄎者𠄎之隸變今本論
語郁郁乎文哉古多作𠄎或𠄎是以荀𠄎字文若王
𠄎字景文大戴公冠篇遵竝大道邠或邠或卽彬

或謂彬彬或或也小雅黍稷或或傳云或或茂盛

貌卽有文章之引申

兼有也从有龍聲讀若籠

籠原本作孽今從繫傳盧紅切

注曰今牢籠字當作此吳都賦沈虎潛鹿馬籠僮束馬籠者繫而籠其頭也玉篇曰馬籠頭說文鞵下曰籠頭繞者亦取兼包之義○箋曰凡言籠絡籠罩皆兼有義也竹部籠舉土器也引申亦爲籠絡籠罩之僞

文三

𠄎

昭也

昭原本作照今從繫傳

从月囧聲

原本作从囧今從繫傳

凡囧之

屬皆从囧

武兵切

𠄎

古文囧从日

注曰凡明之至則曰明明明明猶昭昭也大雅大明常武傳皆云明明察也詩言明明者五堯典言明明者一禮記大學曰大學之道在明明德夫由微而著由著而極光被四表是謂明明德於天下自孔穎達不得其讀而經義隱矣从月者月以日之光爲光也从囧取窗牖麗廢闇明之意○箋曰日部昭日明也从囧無義當用爲聲繫傳作从囧月聲蓋从月囧聲之誤今正之凡言明明有二義大雅大明篇明明在下赫赫在上常武篇赫赫明明皆言昭昭也魯頌有駉篇在公明明猶勉勉也王氏引之曰明勉一聲之轉故古多謂勉爲明重

言之則曰明明爾雅曰𡵚𡵚勉也鄭注禮器曰𡵚
𡵚猶勉勉也𡵚𡵚勉勉明明亦一聲之轉明明天
子令聞不已猶言𡵚𡵚文王令聞不已也夙夜在
公在公明明言在公勉勉也顓按𡵚勉急言之爲
密勿重言之爲勉勉𡵚勉密勿亦一聲之轉

𡵚𡵚也从明𡵚聲

呼光切

注曰𡵚卽今之忙字𡵚人晝夜作無日用月無月
用火常思明故从明或曰𡵚人思天曉故字从明
也○箋曰一切經音義十五云狼𡵚又作茫同𡵚
遽也通俗文時務曰茫𡵚按今俗猶謂急遽曰狼
𡵚𡵚當作𡵚羽部曰飛兒與急遽意相近也从明

未詳其指段氏穿鑿爲說耳若訓明爲勉則義尙可通

文二 重一

囟窗牖麗廔闇明也

也字據繫傳補

象形凡囟之屬皆从囟

讀若獷賈侍中說讀與囟同

俱承切

注曰麗廔雙聲讀如離婁謂交延玲瓏也闇明謂開明也○箋曰繫傳曰麗廔猶離婁也闇與開同瀨按囟象窗牖交延形廣雅曰囟明也乃引申之義

盟周禮曰國有疑則盟諸侯再相與會十二歲一盟北面詔天之司慎司命盟殺牲歃血朱盤玉敦以

立牛耳

立殺訂作菰

从血囙聲

原作从囙从血今正武兵切

𩇑篆

文从明

𩇑

古文从明

注曰各本篆文从血今正作血周禮司盟職凡邦國有疑會同則掌其盟約之載及其禮儀北面詔明神昭十三年左傳諸侯再會而盟杜注三年而一朝六年而一會十二年而一盟襄十一年傳同盟于亳載書曰或閒茲盟司慎司命名山名川羣神羣祀先王先公七姓十二國之祖明神殛之按今左傳盟與命二字互譌陸孔皆不能正許合周禮左傳爲言謂司慎司命爲明神之首司慎司命蓋大宗伯職之司中司命文昌宮第五弟四星也

朱盤小徐周禮作珠今依大徐本立當爲莅莅臨也曲禮曰莅牲曰盟是也玉府職若合諸侯則其珠槃玉敦鄭云合諸侯者必割牛耳取其血歃之以盟珠槃以盛牛耳尸盟者執之玉敦歃血玉器从囙明也朱盤玉敦器也故从皿聲○箋曰司盟中命字疑衍段以司命爲是則從說文可也若左傳明言或閒茲命司慎司盟何得以爲互譌而擅改之且以司慎司盟爲司中司命尤爲未確从囙建類亦無義殺牲歃血故从皿囙聲繫傳作从囙皿聲乃誤倒耳今正之

文二 重二

夕莫也从月半見凡夕之屬皆从夕

祥易切

注曰莫者日且冥也日且冥而月且生矣故字从月半見○箋曰繫傳曰月字之半也月初生則暮見西方額按古當作𠂆象初月之形月初生明當日其時見因謂其時爲夕也夕古音讀與朔同疑卽古朔字因假爲朝夕之夕久而昧其本義春秋文六年閏月不告月下月字當作夕夕卽朔也蓋𠂆𠂆形近故夕誤爲月釋文云月或作朔是其明證左氏述經直云閏月不告朔而不爲月字作解則所據本經亦當作朔公穀傳本異字乃曲爲之說耳蓋此義失之久矣

夜舍也天下休舍也从夕亦省聲

羊謝切

注曰夜舍疊韵爲訓休舍猶休息也○箋曰夜之言舍也夜與亦一聲之轉故夜从亦聲而液掖等字从夜聲

夢不明也从夕瞢省聲

莫忠切又亾貢切

注曰小雅民今方殆視天夢夢釋訓曰夢夢亂也今假爲寢寐字

𠬞轉臥也从夕从卩臥有卩也

於阮切

注曰謂轉身臥也詩曰展轉反側凡𠬞聲宛聲字皆取委曲意○箋曰方言𠬞轉臥也𠬞轉二字聯文許訓爲臥者殆以其从夕而云然臥有卩則不

知所謂也竊謂死當从肥省凡从死之字其義皆
爲柔弱爲宛曲蓋从𠂔而省其左旁一筆以會意
𠂔敬惕也从夕寅聲易曰夕惕若夤段訂作厲
眞切

籀文夤

注曰釋詁云寅敬也凡尙書寅字皆假寅爲夤夕
惕若厲乾九三爻辭厲各本作夤今正凡漢人引
周易夕惕若厲不暇枚舉許書惕字下亦作夕惕
若厲此引者說从夕之意夕惕者火滅修容之謂
學者誤會改厲爲夤而惠氏周易述竟作夕惕若
夤厲无咎矣○箋曰段定夕惕若夤爲譌字是也
其云夕惕者火滅修容之謂則望文爲說又謂凡

尙書寅字皆假寅爲寅益誤夕惕之義不必專造一字蓋緣寅訓爲敬而通作寅遂致誤會竊謂夕者夕之譌易艮九三裂其膚虞注膚脊肉也乃其本義釋文云鄭本作腠蓋月旁移於上作夕遂譌从夕而夕寅與乾卦夕惕之文偶合故以敬惕釋之耳夕惕若寅之寅當作厲蓋涉正文而誤許引夕惕以釋寅非緣易有寅字也

𩇑雨而夜除星見也从夕生聲

疾盈切

注曰雨夜止星見謂之𩇑𩇑星疊韵引申爲晝晴之偁故又作𩇑史記天官書天精而見景星漢書作天𩇑孟康曰𩇑者精明也郭璞注三蒼云𩇑雨

止無雲也古姓醒精皆今之晴字○箋曰晝晴曰
啓夜晴曰姓今通謂之晴而啓之字義學者罕有
知之者矣

𠂔遠也卜尙平旦今夕卜於事外矣五會切𠂔古文

外

箋曰玉篇引說文云表也遠也从夕卜未詳其指

古文恆作𠂔其中與古文外同體豈外从𠂔省歟

𠂔早敬也从𠂔持事雖夕不休早敬者也臣鉉等曰今俗書作

𠂔夙譌息逐切𠂔古文夙从人𠂔𠂔亦古文夙从人

𠂔宿从此

注曰召南毛傳曰夙早也此言早敬者以字从𠂔

故晨下曰曰辰爲晨夙夕爲夙皆同意日其入倦而不敢懈情是乃完今日之早敬基明日之早敬也抑夕者夜之通稱未旦而執事有恪故字从夙夕歟○箋曰持事雖夕不休而謂之早敬終覺未安蓋其義爲早而其字从夕求其說而不得故望文爲解耳灝按夕本古朔字象月初生之形說見部首月初生時昏其及晨早往往見之故鴻範五行傳謂初昏爲夕將晨亦爲夕也夙者晨起操作之義故从夕从夙鼎臣以夙爲俗書未祭隸變之理蓋夙或作夙因省變爲夙耳夙宿古同聲宿之聲轉爲息救切故夙之古文偁用函爲聲而宿亦

用𠂔爲聲谷部𠂔古文作𠂔讀若三年導服之導
與息救切之音相轉也

𠂔宋也从夕莫聲

莫白切

注曰當云宋慕也轉寫佚字耳○箋曰慕與其同
宋莫字或作嗽嘆此其別體耳

文九 重四

𠂔重也从重夕夕者相繹也故爲多重夕爲多重日
爲疊凡多之屬皆从多

得何切

𠂔古文多

箋曰多與疊皆重𠂔之辭庶事紛紜無可名象重
夕𠂔日則事多疊積矣故重夕爲多重日爲疊也
繹者尋繹之義相續不絕也古重𠂔之重與輕重

之重無二音故引申之重其人曰多漢書陳餘傳
曰上多足下顏注多猶重也重之爲多故輕之爲
少晉書卞壺傳壺不肯苟同時好故爲諸名士所
疏也正義曰服虔本作祗晉宋杜本皆作多古人
多祗同音故移夥字皆从多聲今吾粵俗語或謂
多爲祗

𡗗齊調多爲𡗗从多果聲

平果切

箋曰𡗗亦作夥方言曰凡物盛多齊宋之郊楚魏
之際曰夥史記陳涉世家曰客曰夥頤涉之爲王
沈沈者楚人謂多爲夥故天下傳之服虔云頤者

助聲之辭驚而偉之故倂夥頤也。頤按夥頤驚歎聲夥者詫其多也。或但驚駭之曰夥。故漢書無頤字。夥之詞由詫其多而起。因謂多爲夥而造字从多也。夥頤之語今俗猶然。人皆習聞之。及讀陳涉傳而不知其爲狀聲之詞也。試急言之而張口出其聲斯得之矣。

𡗗大也从多丕聲

苦回切

注曰𡗗與恢音義皆同。○箋曰玉篇𡗗大也。又𡗗大也二字音義同。廣韵𡗗多也。𡗗字未收。

𡗗厚𡗗兒从多尙

陟加切

注曰錯本云尙聲而注云从多尙會意則聲字衍。

也依今音則當云多亦聲

文四 重一

母穿物持之也从一橫貫象寶貨之形凡母之屬皆

从母讀若冠

古丸切

注曰母不見於經傳惟田完世家宣公取母正索
隱曰母音貫○箋曰母貫古今字母象橫貫寶貨
貫訓錢貝之貫其義一也古丸古玩二切亦一聲
輕重之殊薛氏鐘鼎款識父乙廌有甬字阮氏款
識子荷貝父乙彝作甬其形略同阮太傅曰聚兩
貝而以一穿之貫之義也灝按甬省作串變爲母
橫其體與貝相配也串字說文失載今讀穿去聲

而古音與貫同故患从串聲其古文作𦉑卽鐘鼎
文之譌體今患下云从心上卩非也大雅皇矣
篇串夷載路釋文串本作患串患古字通則患从
串聲無疑矣引申爲凡貫穿之稱字又作弗又爲
貫習之義爾雅釋詁曰貫習也郭注貫貫忼也孟
子滕文公篇王良曰我不貫與小人乘是也走部
邁手部攢竝相承增偏旁玉篇云慣習也今所常
用也釋詁又曰貫事也蓋貫之本義爲貨貝之貫
因以爲凡事物之貫穿而習之義生焉習則有所
事故又訓爲事也爲學者事其事而習焉然後能
貫穿通達矣貫慣亦古今字

貫錢貝之貫从母貝

古玩切

箋曰貫从母增貝非从貝母聲故不入貝部而附於此疑亦母下重文淺人因其音小異而分爲二字

𠂔獲也从母从力𠂔聲

郎古切

箋曰繫傳曰左傳原軫曰武夫力而拘諸原故从力母穿之也大雅常武篇仍執醜虜毛傳虜服也正義曰虜者囚係之名

文三

𠂔譚也艸木之華未發萼然象形凡𠂔之屬皆从𠂔

讀若含

平感切隸作弓又變爲巳

注曰口部嚙含淡也下象承嚙之莖上象未放之
蓓蕾○箋曰𠂔之言含也含苞未發者也華之齒
舊謂之𠂔芙蕖華取大遂專其名𠂔卽齒舊之合
聲其小者謂之蓓蕾𠂔象形今粵俗猶謂花之未
放者爲𠂔其音轉爲盧感切之清平聲

𠂔

舌也象形舌體𠂔𠂔从𠂔𠂔亦聲

胡男切

𠂔俗𠂔

从肉今

注曰𠂔之言含也大雅毛傳曰𠂔𠂔也通俗文口
上曰𠂔口下曰𠂔毛服之𠂔皆卽說文之𠂔字𠂔
𠂔也故服云口下毛則渾言之口上口下不分耳
許𠂔與𠂔各字各義○箋曰口下曰𠂔謂舌之下

𪔐齒以內也口上曰腭字本作谷渾言之通謂之
函說見谷部此以𠂔爲象舌形而訓函爲舌似非
許意陸氏引說文函舌也又云口裏肉也可證蓋
原本妄增舌也之訓猶存口裏肉也四字今本則
併刪之矣函以口內言頤則謂口旁頤从頁函聲
段云毛服之函卽說文之頤非也戴氏侗引徐鉉
曰函或作𪔐从古文齒𠂔聲譌爲函蓋鼎臣舊本
有是語今傳刻諸本皆佚之考漢隸此字本作函
古籍盡然絕少作函者繫傳云字體傳寫寢譌函
字兩齒相連與中豎畫相合自然其中成囙是也
蓋函之古文本作𪔐象形小篆从古文齒作𪔐與

ㄣ同意而用ㄣ爲聲自函誤爲囙又加ㄣ於上爲
囙而其形愈不可識矣玉篇作函字體雖謬而中
畫與左右兩垂不相屬猶可考見所謂誤書思之
更是一適也函之引申爲含容曲禮席間函丈鄭
注函猶容也又以函爲甲考工記函人爲甲是也
張衡南都賦巨蟠函珠李善注函與含同俗盼从
今亦與含同聲

𣎵木生條也从ㄣ由聲商書曰若顛木之有𣎵𣎵古

文言由𣎵


徐鍇曰說文無由字今尙書只作由𣎵蓋古文省ㄣ而後人因省之通用爲因

由等字从ㄣ上象枝條華函之形臣鉉等按孔安國注尙書直訓由作用也用𣎵之語不通以州切注曰條者小枝也許書由聲之字不減數十淺人

因許書無由字欲盡改爲𣎵省聲然則𣎵从由聲
又何說也書般庚上篇文今舊作由櫟許木部作
𣎵櫟枿卽櫟櫟之異體也○箋曰伐木之餘曰櫟
復生枝條曰𣎵𣎵者條也書盤庚釋文云櫟本又
作枿馬云顛木而肄生曰枿許引作由枿與馬木
同蓋壁中古文也枿者梓之譌體餘詳木部櫟下
用艸木華甬甬然也从𠂔用聲

余隴切

注曰周禮鐘柄爲甬○箋曰此當以鐘甬爲本義
考工記鳧氏爲鐘舞上謂之甬鄭云鐘柄灝按甬
古篆或作甬兩旁象樂銑中象篆帶上出者象鐘
柄小圓象旋蟲以字形與記文互證其義瞭然小

篆从𠂔者形近之爲耳用本古鑄字象形說見用
部甬卽用之具體阮氏鐘鼎款識漢陽武劔用字
作是其證因甬篆上有小圓與用微異遂專以
爲鐘甬字耳鐘柄圓形凡器之圖者如甬桶之類
皆从甬又爲斗甬蠶甬之偏花之梧蕾甬圖因亦
謂之甬


艸木𠂔盛也从二𠂔

胡先切

箋曰繫傳汪馬本俱無此篆故段氏刪之今祁氏
刻顧千里影鈔宋本繫傳則有之六書之例凡物
之盛多者往往有重文其音義或同或異此篆旣
原本所有亦不宜刪刪了篆隸變或作𠂔或作巳

重文則作𠂔爲便也

文五 重一

束

段改篆作束

木垂華實

段於木上補艸字

从木𠂔𠂔亦聲凡束

之屬皆从束

胡感切

注曰从一巳在木中寫者屈曲反覆似从二巳○

箋曰从木从𠂔與束束等字同例似一巳已足然

各本皆从二巳未宜輕改其易右曲爲左垂者書

家用筆之異亦猶用之古文或作用或作用其上

短畫左右無定形也段氏以所據繫傳本無𠂔篆

故改从一𠂔耳玉篇引說文云艸木垂華實今本

奪艸字段補是也

𣎵束也从束韋聲

于非切

注曰束之訓於韋得之

文二

𣎵艸木實垂𣎵𣎵然象形凡𣎵之屬皆从𣎵讀若調

徒遼切 𣎵籀文三𣎵爲𣎵

注曰𣎵𣎵垂兒莊子曰之調調之刀刀之此也調

調謂長者刀刀謂短者調調卽𣎵𣎵也隸變爲中

尊之𣎵○箋曰𣎵者艸木實之通名故栗栗皆从

之𣎵象形段氏謂隸變作中尊之𣎵非也𣎵者西

之別體說具酉部

𣎵木也从木其實下垂故从𣎵

力質切隸作栗

𣎵籀文栗

籀原本作古
今從繫傳

从西从二𣎵徐巡說木至西方戰𣎵

注曰玉篇曰𣎵籀文是也疑許書本一古一籀竝
載傳寫佚亂之後漢書杜林傳濟南徐巡受林學
林於西州得漆書古文尙書一卷於是古文遂行
論語周人以栗曰使民戰栗字从西者取西方擊
斂戰栗之意蓋堯典皋陶謨寬而栗壁中古文作
栗而徐巡說之如此也○箋曰栗實一裹中數枚
故从三鹵象其多引巾爲𣎵多之偶爾雅釋訓栗
栗𣎵也周頌良耜篇積之栗栗毛傳栗栗𣎵多也
栗在裹中故又有縝密之義聘義縝密以栗是也
栗多毛刺人有所懾其氣寒凜毛髮森豎似之故

有戰栗之義孔氏廣森經學卮言曰白虎通引逸

書太社唯松東社唯柏南社唯梓西社唯栗北社

唯槐周初宅西故社从栗栗者西方所宜木是以

栗字从西灝謂西之籀文作𠂔與𠂔相似又因栗

爲西方所宜木遂譌从西徐巡說卽由此誤會耳

𠂔嘉穀實也从𠂔从米孔子曰𠂔之爲言續也

相玉切

隸作**𠂔**籀文𠂔

注曰嘉穀之實曰栗栗之皮曰櫟中曰米栗續疊

韵爲訓○箋曰太平御覽百穀部引春秋說題辭

曰栗之爲言續也栗隸變亦从西蓋由栗而變

文三 重三

齊 禾麥吐穗上平也象形凡𠂔之屬皆从𠂔

祖兮切

注曰从二象地有高下也禾麥隨地之高下爲高下似不齊而實齊參差其上者蓋明其不齊而齊也○箋曰禾麥在地彌望皆平物之至齊者也故造字取焉阮氏鐘鼎款識齊隔作𠂔乃取初之象形文小篆參差取書勢可觀耳从二象地引申之義爲齊等爲齊備爲齊整整猶正也故又訓齊爲中爾雅曰齊中也聲轉爲齊衰之齊又爲齊戒之齊別作齋

𠂔 齊等也从𠂔妻聲

祖兮切

箋曰繫傳曰妻者齊也故齊等之字从妻灝按齊

之本字已包有平等義此字音同而義無別益或體異文耳

文二

𦰩木𦰩也象形凡束之屬皆从束讀若刺切

七賜

注曰𦰩者艸叢也鉞刺古祗作𦰩束○箋曰木𦰩謂枝莖所生刺也艸部策刺二字與此音義同方言曰凡艸木刺人北燕朝鮮之閒謂之策或謂之壯白關而束或謂之梗或謂之𦰩自關而西謂之刺江湖之閒謂之棘从木建類𠂔象形橫其體以相配也象形上當有从木二字

𦰩羊束也从重束

于略切

注曰羊蓋衍文羊棗卽木部之栲爾雅諸棗中之一不當專取以爲訓此當云棗木也爾雅釋木曰槐棘醜喬棘卽棗也周禮外朝九棘三槐棘正謂棗故注云取其大心而外刺上句曰喬故从重束會意○箋曰重束非上句之謂也棗實累累故重之棘叢生則竝之耳棗棘本一物指其木而言謂之棘名其實則謂之棗故孟子養其槭棘古本作槭棗詳見通介堂經說

棘小棗叢生者从竝束

己力切

注曰此言小棗則上文謂常棗可知小棗樹叢生隨社有之未成則爲棘而不實已成則爲棗魏風

園有棘其實之食唐風肅肅鴉翼集于苞棘毛傳
棘棗也此統言不別也邶風吹彼棘心吹彼棘薪
此則主謂未成者棘庠於棗而束尤多故从竝束
會意古多假棘爲亟字如棘人樂樂兮我是用棘
匪棘其欲皆是棘亟同音皆謂急也○箋曰字又
通作戟說見戈部

文三

判木也从半木凡片之屬皆从片匹見切

注曰片判疊韻爲訓判者分也周禮媒氏掌萬民
之判喪服傳曰夫妻脾合也脾當作片夫婦各半
而合故取象於合蓋漢書一半冰亦假半爲片字

从半木木字之半也○箋曰片卽今義之半字以一木分而爲二从半木會意凡取一字分析之或詰詘之皆會意也古通作半字又作𠂔相承增偏𠂔片之義爲分自其合體言之卽爲合故周禮媒氏掌萬民之判判者合之也喪服傳夫妻𠂔合亦此義引申之爲偏論語顏淵篇片言可以折獄者其由也與孔安國注片猶偏也聽訟必須兩辭以定是非偏信一言以折獄者唯子路可也按周禮大司寇以兩造聽民訟子路偏聽一辭而能折獄此正是片之本義餘詳半部

𠂔判也从片反聲

布縮切

注曰今字作板○箋曰釋名曰板版也版版平廣也引申爲偏僻之僻爾雅釋訓版版盪盪僻也大雅板篇上帝板板毛傳板板反也顛按反猶偏也

隔

判也从片畐聲

芳通切

箋曰廣韵隔圻也又云隔版出通俗文按隔猶幅也

牘

書版也从片賣聲

徒谷切

注曰牘專謂用於書者然則周禮之版禮經之方皆牘也小宰注曰版戶籍也聘禮注曰策簡也方版也蔡邕傳注引說文曰長一尺按漢人多云尺牘顏師古曰形若今之木笏但不挫其角耳○箋

曰繫傳曰牘古者爲公案也又爲手版之倂釋名
曰牘睦也手執之以進見所以爲恭睦也又爲樂
器之名周官笙師春牘應雅鄭眾注云春牘以竹
大五六寸長七尺短者一二尺其端有兩空髹畫
以兩手築地

牒札也从片桀聲

徒叶切

注曰木部札牒也左傳曰右師不敢對受牒而退
司馬貞曰牒小木札也按厚者爲牘薄者爲牒牒
之言桀也桀也○箋曰牒者疊也戴氏何曰薄可
聯合爲牒

牒牒也从片扁聲讀若邊

方田切

注曰方言曰牀其上阪衛之北郊趙魏之間謂之牀或曰牖○箋曰易剝六二剝牀以辨辨當讀爲牖邊辨一聲之輕重耳詳見通介堂經說

牖穿壁以木爲交窗也从片戶甫聲聲字據繁傳補譚長以爲甫上日也非戶也牖所以見日與久切

注曰交窗者以木橫直爲之卽今之窗也在牆曰牖在屋曰窗牖所以通明故假爲誘召南吉士誘之大雅天之牖民傳皆曰道也道卽導○箋曰譚長說殊繆當以甫爲聲古音魚侯兩部多相轉也

牖築牆短版也从片兪聲讀若兪一曰若紐度侯切

注曰史記萬石君傳長子建取親中裱廁牖身自

浣滌蘇林曰臉音投賈逵解周官云臉行清也孟
康曰廁行清臉行清中受糞函者也東南人謂鑿
木空中如曹謂之臉依蘇孟說則史漢之臉卽窰
之假借字穴部曰窰空中也徐廣謂讀臉爲竇是
也若晉灼云今世謂反閉小袖衫爲侯頭侯頭猶
借字釋名曰齊人謂如衫而小袖曰侯頭侯頭猶
言解瀆臂直通之言也○箋曰臉本築牆短版之
名引申之廁中版亦曰臉又因之褻器謂之槪窰
相沿既久遂專其名耳

文八

段氏於部末補片篆云反片爲片讀若
牆按戴氏侗曰唐本說文有片部張參

五經文字亦有此篆無疑片與牀同牀者合片木
聲則必有此篆無疑

以爲之故反片爲耳也今不輒補而附其說於此

鼎三足兩耳和五味之寶器也昔禹收九牧之金鑄鼎荆山之下入山林川澤螭魅罔兩莫能逢之以協承天休易卦與木於下者爲鼎象析木以炊也从貞省聲古文以貞爲鼎籀文以鼎爲貞凡鼎之屬皆从鼎都挺切从貞以下十字據繫傳補下貞字段訂作貝

注曰三足兩耳謂器形非謂字形片者判木也一木析爲二之形張參謨會三足兩耳爲字形乃高析木之兩旁爲耳唐元度旣辨之矣上體目者貞省聲也禹鑄鼎見宣二年左傳王孫滿說傳不言鑄鼎荆山之下皇甫謐帝王世紀禹鑄鼎於荆山

在馮翊襄德之南山下有荆渠古文以貝爲鼎籀
文以鼎爲貝二貝字小徐皆作貞今正京房說貞
字鼎聲此古文以貝爲鼎之證也許說刪鼎露黻
者籀文之則員賈𠩺字此籀文以鼎爲貝之證也
○箋曰段云三足兩耳非謂字形固然但古篆實
有以字爲形者如魚以火爲尾鳥以上爲足倉从
食省卽以食之半體爲倉形舍从余省卽以余之
半體爲屋形此類甚多不可枚舉鼎从析木指事
貞省爲聲而兼取目象鼎體象鼎耳及足固無
不可也若易卦巽下離上爲鼎巽目離木與鼎之
字形相合故以鼎名其卦此則各有取象也考阮

氏款識商中鼎作𠩺商父鼎作𠩺周陽鼎作𠩺是
此篆之初製實象鼎形後乃變爲鼎耳古文以貞
爲鼎者阮氏款識叔單鼎作貞是也籀文以鼎爲
貞乙公鼎叔夜鼎竝作鼎卽籀文貞字與則作𠩺
員作鼎實作𠩺𠩺作𠩺文同一例

青鼎之圖掩上者从鼎才聲詩曰鼎及鼎子之切

𠩺俗𠩺从金从𠩺𠩺原本作𠩺今從段正

箋曰周頌絲衣篇鼎及鼎毛傳大鼎謂之鼎小
鼎謂之鼎爾雅釋器圖弁上謂之鼎孫炎曰鼎斂
上而小口者鑑當从艸部之𠩺今本从𠩺誤段訂
正是也

鼎之絕大者从鼎乃聲魯詩說鼎小鼎奴代切

注曰爾雅曰鼎絕大謂之鼎周頌傳大鼎謂之鼎

按絕大謂函牛之鼎也九家易曰牛鼎受一斛羊

鼎五斗豕鼎三斗魯詩說謂傳魯申公之學者也

惠氏棟云說苑曰詩自堂徂基白羊徂牛言白內

及外以小及大也魯詩者劉向家學故說鼎小鼎

大

 原篆作今從發正以木橫貫鼎耳而舉之从鼎口聲周禮

廟門容大鼎七箇即易玉鉉大吉也當作古焚切原作其狄切

正今

注曰禮經十七篇多言鼎注多言今文扁爲鉉

古文鼎爲密按局者假借字鼎者正字鉉者音近
義同字也以木橫貫鼎耳是曰鼎兩手舉其木之
箚是曰扛鼎大小徐篆皆作𠔁解作一聲莫狄切
以鼎蓋字之音加諸橫貫鼎耳之義誤矣○箋曰
考工記廟門容大局七个闔門容小局參个鄭注
大局牛鼎之局長二尺小局腳鼎之局長二尺按
扛鼎之𠔁从鼎口聲古獎切通作局別作鉉覆鼎
之𠔁从鼎一聲莫狄切通作𠔁亦作密二字隸楷
極相似原書當有𠔁篆與此相連傳寫脫去因以
莫狄切之音綴於𠔁下後又改篆作𠔁正與鳥部
脫去𠔁篆而以思允切之音附於𠔁下舟部脫去

舩篆而以五忽切之音附於舩下如出一轍也

文四

重一

一段於部末補鼎篆據虬部鼎从

許書本有此篆無疑但說解無可考附識於此

𡇗 肩也象屋下刻木之形凡克之屬皆从克苦得切

𡇗 古文克 𡇗 亦古文克

注曰肩謂任任事以肩故任謂之肩亦謂之克釋

詁云肩克也又曰肩勝也○箋曰屋下刻木楹柱

枅櫨之屬所以負楣梁也上象屋下象柱櫨之形

隸變作𡇗見漢繁陽令楊君碑其下與尸相似尸

本橫人字故楷書从儿克木負荷楣梁有克制之

義因之制勝曰克能勝其任亦曰克左傳邾子克

字儀父周王子克楚鬬克宋桓司馬子臣克皆字
子儀儀者表也呂氏春秋慎小篇夜日置表於南
門之外高注表柱也漢書淮南厲王長傳樹表其
上顏注表者豎木爲之若柱形也克木爲柱故名
克字儀矣𣎵疑𣎵之古文

文一 重二

𣎵刻木𣎵𣎵也象形凡𣎵之屬皆从𣎵

廬谷切

注曰小徐曰𣎵𣎵猶𣎵𣎵也一一可數之兒剝下
曰𣎵刻割也𣎵𣎵麗屢嵌空之兒毛詩車𣎵錄亦
當作𣎵𣎵○箋曰縱柱枅植通謂之刻木克任重
當屬之植柱𣎵則象枅植交午揜柱之形今吾粵

俗語謂木株爲杲其引申義也

文一

禾

嘉穀也二月始生八月而孰得時之中

繫傳此下有和字

故謂之禾禾木也

繫傳無禾木也三字

木王而生金王而歿

从木从𠂔省𠂔象其穗

段刪从𠂔省𠂔四

凡禾之

屬皆从禾

戶戈切


注曰嘉穀之連稿者曰禾實曰粟粟之人曰米米

曰梁今俗云小米是也从木上筆𠂔者象其穗从

𠂔省𠂔四字淺人所望○箋曰米之精者曰梁段

以爲小米誤也其注米部梁字亦不以爲小米此

一自亂其說耳淮南墜形訓曰禾春生秋成高注禾

老木春木王而生秋金王而歿按禾之言和也得
時之中故謂之禾古蓋作象禾穗連稈及根之
形其立文與木相似阮氏鐘鼎款識商秉仲鼎有
禾字从又持禾其左旁卽禾形小篆省而成木耳
王氏念孫曰莠與禾絕相似雖老農不辨及其吐
穗則禾穗必曲而倒垂莠穗不垂可以識別此尤
可見造字之精意

秀

上諱

原本有漢光武帝名也六字蓋後人
增之繫傳本無今從繫傳息救切

注曰上諱二字許書原文秀篆後人沾之諱則不
書其字矣當補之曰不榮而實曰秀釋艸毛詩文
也榮而實謂之實桃李是也不榮而實謂之秀禾

黍是也从禾人人者米也出於稭謂之米結於稭
 內謂之人凡果實中有人本艸皆作人明刻改作
 仁殊繆玉篇集韻類篇皆有禾字欲結米也而鄰
 切本秀字也隸書秀从乃而禾別讀矣○箋曰采
 下云禾成秀也則秀當云禾采也戴氏侗曰說文
 褻从衣采聲則采之聲與褻相近灝謂采古音蓋
 讀如秀故褻用為聲采秀本一字也

稭禾之秀實為稭莖節為禾从禾家聲稭家也原作

稭家事也
今從繫傳
一曰在野曰稭
古詩切

注曰謂禾采之成曰稭也伏侯古今注諱秀之字
 曰茂秀實許益作茂實一曰稭家事者取从家

義史記曰五穀蕃孰穰穰滿家一曰在野曰稼稼之言嫁也周禮司稼注曰種穀曰稼如嫁女以有所生○箋曰禾苗既長移而種之故謂之嫁如嫁女然也故曰稼家也

穡穀可收曰穡从禾嗇聲

所力切

注曰毛傳曰斂之曰穡許云可收者謂在野成熟古多假嗇爲穡○箋曰嗇穡實一字相承增偏旁耳

穡執也从禾童聲

之用切

注曰𠂔部執種也小篆執爲種之用切種爲先種後孰直容切而隸書互易之詳張氏五經文字○

箋曰種植字本作種亦作種初無二義播種謂之
種之用切所種者謂之種章勇切引申以爲種桂
之種直龍切豳風七月篇黍稷重穋釋文重又作
種魯頌閟宮同周禮內宰注引作種是重種種三
字古通尋重穋字義當如重疊之重先孰曰穋故
後孰曰重呂氏春秋任地篇云種桂禾不爲桂種
重禾不爲重其字亦作重是重疊乃其本義假借
作種或作種耳以種爲種桂之專名猶未爲達詁
況以種爲種桂而廢其種植本字乎且種云先種
後孰而種訓爲孰先種後孰亦孰也豈有異乎今
本說文疑爲後人所亂陸德明曰說文云禾邊作

重是重穆之字禾邊作童是種莖之字已在改竄
之後張參五經文字云種字林以爲種稂之種直
龍反經典相承以爲種植之種是則呂忱之說而
非許氏之義也孫氏星衍云唐人引據多誤以字
林爲說文陸氏所言亦其一端矣考之古籍及金
石文字種植字皆作種不可枚舉廣雅云彙種類
也是種亦種也何得顛倒其說以貽後來之惑乎

種 早種也从禾直聲詩曰種稚禾麥

常職切

注曰魯頌傳曰先種曰種釋名曰青徐人謂長婦
曰種長禾苗先生者曰種取名於此也詩魯頌閟
宮文雅當作稭郭景純注方言曰稭古稚字○箋

日爾雅曰長婦謂稚婦為娣婦亦取義於禾

穰先種後孰也从禾重聲

直容切

箋曰說具種篆下

稊疾孰也从禾耑聲詩曰黍稷種稊

力竹切

稊稊

从麥

注曰邠風傳曰先孰曰稊周禮內宰注鄭司農

先種後孰謂之種後種先孰謂之稊按土宜物性

卽同一種而有不同故大司徒必辨十有二壤之

物而知其種司稼掌巡邦野之稼而辨種稊之種

也詩邠風七月文按七月及閏宮皆作重

穉幼禾也从禾犀聲

直利切

注曰魯頌毛傳先種曰種後種曰穉引申爲凡幼之僞今字作稚○箋曰許於種言早種而穉不曰後種直云幼禾謂禾之幼弱者耳

穉種穉也从禾眞聲周禮曰穉理而堅之忍切

注曰此與鬢爲稠髮同也引申爲凡密緻之僞周禮考工記輪人文鄭云穉致也致今之緻字

稠多也从禾周聲直由切

注曰本謂禾也引申爲凡多之僞小雅稠直如髮假稠爲稠也

穉稠也从禾既聲己利切

注曰漢書劉章曰漢耕穉種立苗欲疏非其種者

鉏而去之引申爲凡稠之偶

稀

疏也从禾希聲

徐鍇曰當言从父从巾無聲字父者稀疏之義與爽同意巾象禾之

根莖至於希晞皆當从稀省何以知之說文無希字故也香依切

注曰稀與概爲反對之辭所謂立苗欲疏也○箋曰稀之本義爲禾之稀疏引申爲凡稀疏之偶古通作希說文無希字蓋偶佚之楚金謂希晞皆當从稀省非也希卽稀之古文戴氏侗曰希从父象巾之疏也引之爲希少希疏幾希

穰

禾也从禾蔑聲

莫結切

注曰蓋禾有名穰者也廣韵曰莊子謂之禾也

稊

禾也从禾耑聲

莫卜切

注曰蓋禾有名穆者也凡經傳所用穆字皆假穆
爲參參者細文也从彡京省彡言文京言細凡言
穆穆於穆昭穆皆取幽微之意釋訓曰穆穆敬也
大雅文王傳曰穆穆美也○箋曰戴氏侗曰禾淡
茂幽遠穆穆然也

禾也从禾𠂔聲北道名禾主人曰私主人

息夷切

注曰蓋禾有名私者也今假爲公私北道蓋許時
語周頌駿發爾私毛曰私民田也○箋曰小雅大
田篇雨我公田遂及我私此公私之本義故謂禾
主人曰私主人以其非公田也引申爲凡公私之
備

糯稻紫莖不黏也从禾糞聲讀若靡

扶沸切

注曰此爲稻屬當廁於稻稂稊之類蓋轉寫亂之王氏念孫曰讀若靡當作廢字之誤也○箋曰集韻方問切是也

稷也五穀之長从禾畎聲

子力切

古文稷省

注曰程氏瑤田曰稷齋大名也黏者爲秬北方謂之高粱通謂之秬秠又謂之蜀黍古文稷从兒卽古文畎字○箋曰邵氏晉涵爾雅正義曰前人稱稷多異說以今驗之卽北方之稷米也北方呼稷爲穀子其米爲小米月令孟春行冬令則首種不入鄭注首種謂稷蓋百穀惟稷先種故云首種今

種稷者正月土膏脈發即可布種說文所謂五穀之長以先種爲長也稷具中和之氣協於土德利以養人故盧辯大戴禮注云庶人無常牲以稷爲主良耜疏謂豐年之時賤者猶食稷是稷爲庶民所恆食厥利孔溥古者重民食所由以稷名官又奉稷而祀之也稷旣爲庶民所恆食則不以爲珍貴玉藻云朔月四簋子卯稷食四簋謂備黍稷稻粱忌日則無稻粱黍而下同於庶民之食也今北方恆食以稷而餉客以稻亦猶行古之道與稷謂之粢者左氏桓二年傳粢食不鑿疏引舍人云粢一名稷稷粟也後世以粟爲粱多疑舊注爲誤然

古者以粟爲穀之總名猶後人以穀爲總名也今以後世所命名區分五穀則稷定爲黃小米郝氏懿行爾雅義疏曰今北方以黍爲大黃米稷爲穀子其米爲小米然稷又包高粱高粱與粟同種差早高粱謂之木稷廣雅曰藎粱木稷也言其禾麤大如木矣又謂之蜀黍蜀亦大也蜀黍假黍爲名高粱假稷爲名蓋稷米之精者偶粱粱亦大名故高粱與穀子通矣灝接近儒程氏瑤田著九穀考號爲精核唯以高粱爲稷愚意不然邵郝二說較精然郝氏謂稷包高粱猶覺牽混夫高粱謂之木稷則其非稷甚明鈕氏樹玉謂高粱一種不人五

穀之內是也今定黍爲大黃米稷爲小黃米二者
同類故古籍多以黍稷並稱禮經簠陳黍稷簋陳
稻粱亦各從其類也又高粱非徒假稷爲名也實
冒秫名蓋稷之黏者爲秫因之諸穀之黏者通謂
之秫而高粱尤黏遂專秫名其僞木稷實緣此起
而程氏竟以稷當之矣又郝氏謂蜀黍假黍爲名
亦非也蜀黍卽秫秫之轉語耳

𥽿稷也从禾𥽿聲

卽夷切

𥽿稷或从次

注曰小宗伯六盛鄭注盛讀爲𥽿六𥽿謂六穀黍
稷稻粱麥苽按𥽿本謂稷何以六穀統名𥽿則以
稷爲長故得槩之也穀名曰𥽿用以祭祀則曰盛

今經典皆譌爲粢則粉養之或字而誤假之矣

𥽿稷之黏者从禾朮象形

食聿切

𥽿秫或省禾

注曰九穀考曰秫爲黏稷而不黏者亦通呼秫秫他穀之黏者亦假借偁之曰秫陶淵明使公田二頃五十畝種秫稻之黏者也崔豹古今注所謂秫爲黏稻是也米下象其莖葉上象其穗○箋曰程氏以高粱爲稷則所謂秫爲黏稷者其意蓋指高粱而言然所論引申假借之理自通也百穀以黍稷禾麥四者統之故皆特製一字

𥽿糜也从禾祭聲

子例切

注曰此謂黍之不黏者呂氏春秋曰飯之美者陽

山之稌高注關西謂之糜冀州謂之聚廣雅曰糲
糜稌也九穀考曰據說文禾屬而黏者黍則禾屬
而不黏者糜對文異散文則通併黍內則飯黍稷
稻梁鄭注黍黃黍也按黃黍者糜也稌也飯用之
黏者釀酒及爲餌養醅粥之屬不黏者呼糜呼稌
而黏者乃專得黍名矣今北方皆呼黍子糜子稌
子稌與稷雙聲故俗誤認爲稷其誤自唐之蘇恭
始○箋曰許云禾屬而黏者黍不云禾屬而不黏
者糜鄭以黍爲黃黍而不謂黍爲糜爲稌糜實稷
之異名稌卽稷之聲轉非由誤認也蓋稷之黏者
爲秬其不黏者曰糜糜亦名稌稌稷同聲實本一

物本艸圖經云稷米今所謂稌米是也或謂糜字
从黍故當是黍則九迂繆黍稷同類相近故糜字
从黍若从黍者卽是黍則黍从禾亦爲禾乎士昏
禮贊爾黍鄭注古文黍作稷唯其同類故以相易
也陶隱居本艸注亦云古書多言黍與稷相似足
爲明證九穀考又云簠簋實糜爲之以供祭祀故
又異其名曰稌此正堪爲持子之矛刺子之盾夫
黍旣陳於簠矣而又以糜則糜非稷而何如謂糜
以代黍不以爲稷則經典但見黍稷未聞有糜是
黍不可以糜代而稷之用糜乃其本物矣更何疑
邪

稻稌也从禾昌聲

徒略切

注曰今俗槩謂黏者不黏者未去糠曰稻粳稻秈稻秈稻皆未去糠之偁也旣去糠則曰粳米曰秈米曰秈米古謂黏者爲稻九穀考曰幽風十月穫稻爲此春酒月令乃命大酋秬稻必齊內則雜記並有稻醴左傳進稻體梁糗是以稻爲黏者之名黏者以釀也內則糝醢用稻米籩人職之餌飡注亦以爲用稻米皆取其黏耳而食醫之職牛宜稌鄭司農說稌粳也是又以粳釋稻粳其不黏者也孔子曰食夫稻亦不必專指黏者言職方氏揚荆諸州亦但云其穀宜稻吾是以知稌稻之爲大名

也○箋曰爾雅釋文引字林云糯黏稻也秔稻不黏者李登聲類亦以秔爲不黏稻但江東人呼爲糯額按今南人食以稻爲主黏者謂之糯不黏者謂之秔秔卽稷也古之四簋黍稷用黏者則稻粱蓋用不黏者與

秔稻也从禾余聲周禮曰牛宜秔徒古切

注曰釋州曰秔稻周頌毛傳同許曰沛國呼稷而郭璞曰今沛國呼秔然則秔稷本一語而稍分輕重耳周禮食醫文○箋曰秔者稻之轉聲

秔沛國謂稻曰稷从禾奐聲奴亂切

注曰襄五年穀梁傳仲孫蔑衛孫林父會吳於善

稻吳謂善伊謂稻緩按謂善伊者古合韵也謂稻爲緩者卽沛國謂稻爲稭也緩古亦讀如暖今語奴臥切○箋曰改謂善伊合韵非也稭俗作糯

糯稻不黏者从禾兼聲讀若風廉之廉力兼切

注曰稻有不黏者則糯是也今俗通謂不黏者爲秬米集韵類篇皆云方言江南呼稭爲秬亦作糲作秬按說文玉篇皆有糯無秬蓋秬卽糯字音變而字異耳讀若風廉之廉疑當同食部作風謙謙力兼切

秬稻屬从禾亢聲古行切秬或从更聲

注曰稻有至黏者稭是也有次黏者稭是也有不

黏者稬是也梗與稬爲飯梗以釀酒爲餌養今與
古同散文梗亦僞稻對文則別魏都賦水澍稬稬
陸蒔稬黍蜀都賦黍稬油油梗稻莫莫皆稬稻竝
舉陸德明曰梗與稬皆俗杭字

 稬屬从禾毛聲伊尹曰飯之美者立山之禾南海

之稬

呼到切

注曰漢書曰訖於孝武後元之年靡有子遺稬矣
孟康曰稬音毛無有稬米在者也今本作毛米誤
孟意若今言無有一粒存者水經注曰燕人謂無
爲毛故有用毛爲無者又有用稬者初讀莫報切
旣又讀呼到切改禾旁爲耒旁罕知其本音本義

本形矣大雅秬敦下土秬者乏無之詞呂氏春秋
本味篇伊尹曰南海之秬許所據伊尹書不同伊
尹書見漢藝文志○箋曰書傳凡言秬者多爲消
減之義今官司征糧有秬米卽其義也後漢書章
德寶皇后紀家旣廢壞數呼相工問息秬息秬猶
言消息世謂音問爲消息故又謂音問爲秬俗作
耗

𥽿 𥽿粟也从禾廣聲

百猛切

注曰周禮稻人澤艸所生種之芒種鄭司農云芒
種稻麥也按凡穀之芒稻麥爲大

𥽿 稻今年落來年自生謂之秬从禾尼聲

里之切

注曰淮南書離先稻孰而農夫耨之不以小利傷大獲也高注離與稻相似耨之爲其少實疑離卽秣玉篇廣韵秣皆力脂切則音同也他書皆作耨力與切埤蒼耨自生也亦作稻後漢書獻帝紀尙書郎以下自出采稻古作旅史漢皆云觜觶主秣旅事晉灼曰秣采也野生曰旅今之饑民采旅生按離秣旅一聲之轉皆謂不種自生者也當依廣韵力脂切

稗禾別也从禾卑聲琅邪有稗縣繫傳本作鄉秀卦切

注曰謂禾類而別於禾也孟子曰苟爲不孰不如萑稗左傳用秣稗也杜注稗艸之似穀者稗有米

似禾可食故亦種之如淳曰細米爲稗故小說謂之稗官小販謂之稗販地理志琅邪郡稗縣當是本作稗今山東沂州府莒州南有稗縣故城○箋曰稗官非細米之義也野史小說異於正史猶野生之稗別於禾故謂之稗官矣稗販者展轉販鬻異於正商賈故謂之稗販稗縣繫傳作稗鄉是也此縣後漢省故許以鄉名之

移

禾相倚移也从禾多聲一曰禾名

繫傳作移禾名故相倚則移也

臣鉉等曰多與移聲不相近蓋古有此音弋支切

注曰倚移連縣字疊韵讀若阿那考工記鄭司農注兩引倚移從風今上林賦作旖旎從風毛傳猗

儺柔順也。猗儺卽阿那。今人但讀爲遷移。據說文則自此之彼字當作迻。○箋曰：戴氏侗曰：移移秬也。凡種稻必先苗之而移之。遷移之義取焉。別作迻。灝按：禾苗茂密乃移種之。戴說正所謂相倚則移也。古讀多作祗。故移从多聲。鼎臣不知古音故謂多與移聲不相近耳。

穎禾末也从禾頃聲。詩曰：禾穎穰穰。

余頃切

注曰：穎之言莖也。頸也。近於采及貫於采者皆是也。詩大雅生民文：今詩作禾役毛曰：役列也。按役者穎之假借。列者梨之假借。梨禾穰也。○箋曰：穀在裏中謂之穎。穎居稈之顛故曰禾末。禾孰則穎

屈而下垂穎脫而穗見引申之囊裏謂之穎故郭璞江賦以濯穎散裹對文史記平原君傳夫賢士之處世也辟若錐之處囊中其末立見毛遂曰使遂蚤得處囊中乃脫穎而出非特其末見而已此言錐之出囊如禾穗之穎脫而出也若末見則僅露其鋒芒於外耳故曰非特其末見而已世儒未識穎之字義誤解禾末爲禾芒遂以鋒芒爲穎如此則毛遂所言仍是錐之末見非穎脫矣楚金云穎謂禾穗之端也非謂芒爲穎似已得之而又云錐末爲穎沿舊說之誤也段氏以穎爲禾莖失之愈遠矣禾結穎則成秀因之偁人之秀發曰穎玉

篇廣韵竝云穎篋也此又囊裏之引申也因又从

木作穎

秣齊調麥秣也从禾來聲

洛哀切

注曰來之俗字據廣韵則埤蒼來麤字作秣按上

下文皆言禾中間以麥疑非舊次

禾成秀也人所以收

此四字

从爪禾

徐醉切

穗采

或从禾惠聲

注曰采與秀古互訓如月令注黍秀舒散卽謂黍

采也人所收故从爪禾會意○箋曰采秀古同聲

疑本一字說見秀下

𥝱禾危穗也从禾勺聲

都了切

注曰危采謂穎欲斷落也玉篇云𦵏亦懸物也則
𦵏同方言之𠂔方言曰𠂔縣也趙魏之間曰𠂔燕
趙之郊縣物於臺之上謂之𠂔郭璞曰了𠂔縣物
貌了小反元應書及集韻所引方言皆如是今本
方言作佻妄人所改耳王延壽王孫賦𠂔瓜懸而
瓠垂𠂔象形○箋曰錢氏站曰今俗謂禾頭下垂
曰𦵏頭灝按禾孰則穎屈而下垂其狀欲墮落故
曰危采引申爲懸物之偁段云𠂔象形謂𠂔也
禾采之兒从禾遂聲詩曰禾穎穰穰徐醉切莖穰穰
或从艸

注曰大雅生民曰禾役穰穰釋訓曰穰穰苗也許

蓋用三家詩

穠禾垂兒从禾耑聲讀端切

丁果切

箋曰穠者墮也欲落之狀也

穠禾舉出苗也从禾曷聲

居謁切

注曰禾采初挺出於苗是曰穠既成則屈而下垂

矣周頌曰騂騂其達有厭其傑毛云達射也有厭

其傑言傑苗厭然特美也毛謂苗許謂采手部揭

高舉也音義略同○箋曰穠通作傑傑亦特出也

厭然飽足之貌當指禾穎而言

穠禾也從禾少聲

詔切

注曰淮南書穠作藁亦作標艸部藁末也禾芒曰

杪猶木末曰杪九穀考曰粟之孚甲無芒芒生於

粟穗之莖

穠禾穠也从禾幾聲

居豨切

注曰九穀考曰禾采成實離離若聚珠相聯貫者謂之穠與珠穠之穠同意呂氏春秋得時之禾疏穠而穗大得時之稻長稠疏穠○箋曰珠之不圓者謂之穠禾粟穠然而長故名之曰穠也

秬一稌二米从禾丕聲詩曰誕降嘉種惟秬惟秠天

賜后稷之嘉穀也

敷悲切

注曰此解當云稌也从禾丕聲詩曰誕降嘉穀惟秬惟秠黑黍一稌二米天賜后稷之嘉穀也爲淺

人改竄之耳詩生民惟秬惟秠釋艸曰秬黑黍秠
一秠二米毛傳同經文以惟秠足句見黑黍之秠
有異不比下文惟藪惟芑畫然二物故釋訓者以
黑黍系秠以一秠二米系秠分屬之秠秠稭糠四
篆同義小徐本秠秠二篆相屬此必古本淺人妄
改致不可讀○箋曰段說是也秠黑黍一秠二米
秠卽秠也爾雅必舉秠然後言一秠二米者卽釋
詩惟秬惟秠之句蓋爾雅本爲釋詩而作也至說
文云秠一秠二米則似凡秠皆一秠二米殊欠精
審許蓋承用爾雅之文與米部炊米者謂之粢文
同一例此許君偶疏審定不必爲之回護段謂淺

人改之非也惟秭秭等篆必當連屬今移易其次
乃淺人所屬耳

𦰩禾搖兒从禾乍聲讀若昨在各切

注曰今俗語說動搖之貌曰𦰩卽此字

𦰩耕禾閒也从禾庶聲春秋傳曰是穰是衣繫傳作𦰩切

注曰周頌釋文引說文穰耨鉏田也字林穰耕禾閒也今本說文淺人用字林改之今正穰耨也非耕也周頌縣縣其庶毛傳庶耨也耨鉏田者耨耨器也鉏立耨斫也耨者披田艸也或耨或鉏皆曰穰今吳下俗語用鉏曰暴卽此字也春秋傳左氏

昭元年文謂壅禾本也○箋曰轅禾之時以立耨除艸謂之穠故曰耕禾閒此解極簡明字林卽本於說文釋文所引容有譌誤勿煩輕改也

轅

禾也从禾安聲

烏肝切

注曰轅者車所踐也轅讀如勞郎到切卽齊民要術所謂勞也賈思勰曰古曰耨今日勞說文耨摩田器今人鄆語曰摩勞種穀之法苗旣出壟每一經雨白背時輒以鐵齒鋤耨縱橫杷而勞之杷法令人坐上數以手斷去艸如此令地輒易鋤省力中鋒止苗高一尺鋒之按賈云鋒之謂鋤之也

耨

禾本从禾子聲

卽里切

注曰小雅或耘或耔毛曰耔除艸也耔壅本也食
貨志后稷始畎田以二耜爲耨廣尺濬尺曰畎長
終畎一畎三畎一夫三百畎而播種於畎中苗生
三葉以上稍耨隴艸因墾其土以附苗根故其詩
曰或芸或芋黍稷薿薿云除艸也耔附根也言苗
稍壯每耨輒附根比盛暑隴盡而根浚能風與旱
故薿薿而盛也按班所據詩作芋古文假借字說
詩作耔小篆字詩言耘耔左傳言穠袞耔袞皆俗
字○箋曰播種於畎初種苗時也耨艸墾土則耘
耔之事志文疑有脫漏

稍穫刈也一曰撮也从禾齊聲

在誦切

注曰穫刈謂穫而芟之也刈之必齊故从齊小雅
曰此有不斂穧謂已刈而遺於田未斂者也上文
不穫穧謂幼禾畱於田未刈者也鄭注周禮云四
秉曰筥謂一穧也一曰振者四圭也或曰兩指振
也

穧刈穀也从禾隻聲

胡郭切

注曰穫之言獲也刈穀者以鉋以鎌

穧積禾也从禾資聲詩曰穧之秩秩

郎夷切

注曰穧積雙聲詩周頌文今作積之栗栗蓋許偁

三家詩也

穧聚也从禾責聲

則歷切

注曰禾與粟皆得僞積引申爲凡聚之僞

秩積也从禾失聲詩曰積之秩秩直質切

注曰積之必有次敘成文理是曰秩詩假樂傳秩秩有常也斯干傳秩秩流行也巧言傳秩秩進知也賓之初筵傳秩秩然肅敬也釋訓曰條條秩秩智也又曰秩秩清也皆引申之義

絜束也从禾困聲苦本切

注曰絜束謂以繩束之國語垂橐而入絜載而歸韋注絜絜也書亦假廩爲之左傳羅無勇廩之及潞廩之是也方言絜就也

縻穀之善者从禾果聲一曰無皮穀繫傳無一曰五字胡氏切

注曰善謂凡穀顆粒俱佳者廣韵云淨穀古音讀如穎一曰無皮穀謂穀中有去稃者也此義當讀如裸○箋曰錢氏坫曰無皮穀今所云青稞也似非古訓

舂粟不潰也

潰原本誤作潰今從繫傳

从禾昏聲

戶括切

注曰舂粟不潰謂無散於臼外者也蓋舂之用力重則或潰用力輕則不是曰稽今俗謂輕舂曰枕古曠切卽稽之轉語也○箋曰不潰非不散於臼外之謂也謂米之堅者舂不破耳說見稭下

𥽿

稻也从禾气聲

屈气切

箋曰一切經音義二十二云稭又作𥽿同痕入聲

一音胡結反堅米也謂米之堅鞭舂搗不破者也
今關中謂麥屑堅者爲麤頭亦此也江南呼爲麤
子音徒革反灝按史記陳平傳亦食糠覈覈卽稭
之假借字亦作麤見麥部

糲 糲也从禾孚聲

切芳無

糲 糲或从米付聲

注曰小徐本此篆與秬篆相屬古本也玉篇次第
正同○箋曰楚金云秬卽米殼也艸木華房爲相
麥之皮爲麤音義皆同

糲 糲也从禾會聲

繫傳有讀若裏三字苦會切

注曰玉篇公臥公外二切公臥卽讀若裏之云

糲 糲皮也从禾从米庚聲

切苦岡

糲 糲或省

注曰今人謂已脫於米者爲糠古人不爾糠之言
空也空其中以含米也凡康甯康樂皆空中之引
申○箋曰段說引申義未確此因聲假借耳

𥽿禾皮也从禾𥽿聲

之若切

注曰禾皮者禾稿之皮也呂氏春秋曰得時之麥
薄𥽿而赤色本謂稿皮因以呼稿皮下文禾若若
卽𥽿也春秋經有𥽿字齊地名今釋文五經文字
皆作𥽿从示唯玉篇禾部𥽿下曰又齊地名然則
希馮所據春秋字从禾

𥽿禾稾去其皮祭天以爲席从禾皆聲

古黠切

注曰禮器曰莞簟之安而稾𥽿之設鄭注穗去實

曰韎引禹貢三百里納韎服禹貢釋文韎本或作
稽然則稽結韎三形同又或作韎亦同謂禾莖既
刈之上去其穗外去其皮存其淨莖是曰稽

稭

禾莖也从禾旱聲春秋傳曰或投一秉稭

古旱切

秆稭或从干

注曰謂自根貫於穗者是也昭二十七年左傳曰
或取一編管焉或取一秉秆焉國人投之此以二
句合爲一句耳

稊

稊也从禾高聲

古老切

注曰廣雅左傳注稊稊也假借爲矢幹之稊屈平
屬州稊之稊○箋曰楚金曰今人言稊艸謂書之

不謹若禾稟之亂然又文章之未修治也

𥽿

不成粟也从禾比聲

卑履切

注曰左傳若其不具用秬稗也杜云秬穀不成者今俗呼穀之不充者曰癘補結切卽秬之俗音俗字也引申之凡敗者曰秬漢書曰秬我王度

𥽿

麥莖也从禾同聲

古立切

注曰麥莖先澤媚好故曰稍一作薺潘岳射雉賦

闕閭薺葉

𥽿

黍稷也从禾列聲

良薛切

注曰廣雅黍稷謂之稊左傳使巫以桃茢先祓殯杜注茢黍稷檀弓以巫祝桃茢執戈鄭注茢茝茗

按二物皆可爲彗許說其本義詩生民禾役穰穰
毛傳役列也列蓋梨之假借禾稇亦得謂之梨也
○箋曰許引詩作禾穎穰穰是穎卽梨也蓋禾穎
謂之穰如瓜之有瓢也穰謂之梨梨之言裂也穎
裂而穗出也黍旣刈穫則治其稟以爲彗與崔若
同物所謂桃茢也疑此當云黍穰已治者穰下當
云黍梨也今本互易之已治然後可用爲彗詩以
梨爲穎則未治時也



黍梨已治者从禾襄聲

汝羊切

注曰謂之穰者莖在皮中如瓜瓢在瓜皮中也周
頌傳曰穰穰眾也此假借也○箋曰莖在皮中不

得與瓜瓢爲比蓋穗在裏中謂之穰耳此九足證
穎爲禾穗之義去穗則皮亦謂之穰故下文云禾
若秧穰也餘說見前

禾若秧穰也从禾央聲於良切

注曰若卽上文之糕也秧穰疊韵今俗謂稻之初
生者曰秧凡艸木之幼可移栽者皆曰秧此與古
義別○箋曰糕者禾皮也穰黍皮也禾黍同物故
可通倂單呼曰穰衆呼曰秧穰因聲之輕重而別
爲二字耳

穰程穀名从禾旁聲蒲庚切

注曰廣雅曰穰程稌也按許但云穀名不與稌兼

爲伍則與張說異○箋曰此蓋祭祀所用穀名稷爲五穀之長故張揖讓以稷當之稷卽稷也穊稷之合聲爲祊祊索祭也

穊

穊稷也从禾皇聲

戶光切

注曰穊稷疊韵

季

穀孰也从禾千聲春秋傳曰大有季

奴顛切

注曰爾雅曰夏曰歲商曰祀周曰季唐虞曰載季者取禾一孰也春秋傳左氏宣十六季文穀梁傳曰五穀皆大孰爲有季

穀

續也百穀之總名从禾穀聲

古祿切

注曰周禮太宰言九穀鄭云黍稷稻粱麻大小豆

小麥菰也膳夫食用六穀先鄭云稌黍稷粱麥菰也疾醫言五穀鄭曰麻黍稷麥豆也詩書言百穀種類繁多約舉兼咳之詞也引中之義為善釋詁毛傳皆曰穀善也

稌穀孰也从禾念聲春秋傳曰鮮不五稌而甚切

注曰稌之言飪也春秋傳左氏昭元年文

租田賦也从禾且聲則吾切

箋曰戴氏侗曰詩云于所蓄租謂拾取田中餘稟也田賦因謂之租蓋納總銓納秬故謂之租

稅租也从禾兌聲輸芮切

箋曰戴氏侗曰稅田賦也引之則凡賦取者皆曰

稅借爲稅駕稅服之稅

𥽿禾也

段訂作
𥽿米也

从禾道聲司馬相如曰𥽿一莖六穗

從到切

注曰此當作𥽿米也三字句各本刪𥽿字改米爲禾今正𥽿擇也擇米曰𥽿漢人語如此漢書百官表後漢書殤帝和帝紀皆有𥽿官注皆云𥽿官主擇米邲后詔曰減大官𥽿官自非其陵廟稻粱米不得𥽿擇凡作導者譌字也呂忱徐廣顏之推司馬貞皆執誤本說文謂𥽿是禾名豈知𥽿果禾名則許書之例當與穢穆私三篆爲伍而不廁於此矣史記司馬相如傳封禪文曰𥽿一莖六穗於庖

鄭德云槩擇也一莖六穗謂嘉禾之米鄭語取明
瞭言於庖者擇米作飯必於庖也呂忱乃云禾一
莖六穗謂之槩蓋不讀封禪文而誤斷許書之句
度矣○箋曰史記索隱引鄭元云槩擇也此乃槩
之本義許如與鄭同義則所引司馬相如說句下
當有於庖二字文義始明今直云槩一莖六穗則
是以爲禾名矣此許君失檢之誤不必曲爲回護
索隱引說文云嘉禾一名槩雖與今本異而亦以
爲禾名又引字林云禾一莖六穗謂之槩卽承說
文之誤又凡槩擇字作導者古假借通用段以爲
譌字亦非也

穠虛無食也从禾荒聲呼光切

注曰爾雅果不孰爲荒周禮疏曰疏穀皆不孰爲

大荒○箋曰此卽荒字相承增偏旁耳

𥝱把取禾若也

把段訂

从禾魚聲

素孤切

注曰把各本作把今正禾若散亂把而取之不當

言把也雖騷蘇糞壤以充幃今謂申椒其不芳王

逸曰蘇取也韓信傳樵蘇後爨師不宿飽漢書音

義曰樵取薪也蘇取艸也皆假蘇爲蘇○箋曰廣

雅蘇取也若卽穠字上文穠禾皮也禾謂之若竹

謂之箬引申爲樵蘇

穠出物有漸也从禾尙聲

所教切

注曰稱之言小也少也凡古言稍稍者皆漸進之

謂周禮稍食祿稟也云稍者謂祿之小者也

𥽿

禾穀孰也从禾𥽿省聲

七由切

𥽿籀文不省

注曰秋時萬物皆老而莫貴於禾穀故从禾禮記

曰西方者秋秋之爲言摯也

秦

伯益之後所封國地宜禾从禾舂省一曰秦禾名

而都切

秦籀文秦从秝

注曰鄭詩譜曰秦者隴西谷名於禹貢近雍州烏

陂之山竟時有伯翳者實皋陶之子佐禹治水舜

命作虞官周孝王使其末孫非子養馬於汧渭之

閒封爲附庸邑之於秦谷按今甘肅秦州清水縣

有故秦城漢地理志之隴西秦亭秦谷也地宜禾
者說字形所以从禾从春也職方氏曰雍州穀宜
黍稷此字不以春禾爲本義而以地名爲本義者
通人所傳如是也

稱銓也从禾冉聲春分而禾生日夏至晷景可度禾
有秒秋分而秒定律數十二秒而當一分十分而
寸其以爲重十二粟爲一分十二分爲一銖故諸
程品皆从禾

處陵切

注曰銓者衡也聲類曰銓所以稱物也稱俗作秤
冉并舉也倂揚也今皆用稱春分禾生秋分秒定
謂以二月生八月孰也度起於秒十二秒而當一

言文解字注卷第七
分十分而寸淮南天文訓作十二粟而當一粟十二粟而當一寸權起於粟十二粟爲一分十二分爲一銖則百四十四粟也十二銖而當半兩衡有左右因倍之故二十四銖爲一兩此皆用淮南說也諸程品之字皆從禾謂稱以下七篆○箋曰稱謂銓衡當言重數而兼及律數分秒者志其緣起耳故曰律數十二秒而當一分十分而寸其以爲重云云言銓衡本於律度也

程也从禾从斗斗者量也

皆禾切

注曰廣韻曰程也條也本也品也又科斷也實一義之引申○箋曰科謂諸率取數於禾者從而區

分別其差等故从禾从斗斗以量而區分之也因
之凡諸程品皆謂之科故有科目科則之僂醫家
亦有內外諸科

程品也十髮爲程十程爲分十分爲寸从禾呈聲
直切

注曰品眾庶也因眾庶而立之法則斯謂之程品
荀卿曰程者物之準也漢書張蒼定章程如淳曰
章歷數之章術也程者權衡丈尺斗斛之平法也
十髮爲程下當云一程爲分俗本作十誤大小徐
舊本漢制考小學紺珠皆不誤百髮爲分斷無是
理○箋曰今大小徐諸本皆作十程爲分段氏所

謂舊本虛詭之說耳漢制考小學紺珠容有譌誤竊謂諸言度數者皆起於一此當作一髮爲程十程爲分與蠶吐絲之一忽禾之一秒同義古度量皆以人體爲法故入手卻動脈爲寸中婦人手長八寸謂之咫伸臂一尋八尺謂之仞人長十尺謂之丈夫此與左傳豆區釜鍾之四量聘禮記禾四秉曰筥十筥曰稷十稷曰秬諸權法皆古之粗率許君既取十二秒之度爲分而又言一髮爲程十程爲分者兼存古制也程之義爲法則因稷秬秠秠諸文多於禾取義故亦从禾一髮爲程非其本惜也

縹布之八十縷爲稷从禾𡗗聲

子紅切

𡗗籀文稷省

注曰此當有奪文聘禮記曰禾四秉曰筥十筥曰稷十稷曰秬許下文五稷爲秬二秬爲秬正本記文若先之曰布八十縷爲稷則下文不爲四百縷爲秬八百縷爲秬乎知其斷不然矣蓋必云禾四十秉爲稷从禾𡗗聲一曰布之八十縷爲稷轉寫奪漏而亂之耳布八十縷爲稷者史記孝景本紀令徒隸衣七稷布索隱正義皆云蓋七并布用五百六十縷漢書王莽傳一月之祿十縷布二匹孟康云縷八十縷也聘禮今文作稷古文作縹許从今文故糸部無縹布縷與禾把皆數也故同名○

箋曰段說是也稷从禾當於禾取義禹貢百里賦
納總傳云禾稟曰總入之供飼國馬總當與稷同
召南羔羊素絲五總王氏經義述聞引西京雜記
五絲爲緝倍緝爲升倍升爲緘倍緘爲紀倍紀爲
縷倍縷爲縷然則總者八十絲也

秭五稷爲秭从禾市聲一曰數億至萬曰秭

將凡切

注曰秭禾二百秉也周禮掌客注有秭秭麻答之
文秭秭連文則非詩之秭也謂五稷也周頌兩言
萬億及秭毛傳云數萬至萬曰億數億至萬曰秭
定本集注釋文同釋文所記別本及正義五經筭
術皆作數億至億曰秭許書多襲毛傳此云數億

至萬曰秭似當出於毛然心部云十萬曰億不從
毛之萬萬曰億而從古數則說秭亦不必同毛蓋
毛作數億至億許作數億至萬歟秭不見他經唯
見周頌鄭內則注萬億曰兆依許說則秭卽兆歟
五經筭術曰黃帝爲法數有十等億兆京垓秭壤
溝澗正載是也及其用也乃有上中下三等下數
十十變之中數萬萬變之上數數窮則變以中數
言之毛傳應云數垓至億曰秭而言數億至億曰
秭有所未詳數億至萬亦不爲不多矣不必從毛
之數億至億也秭之言積也韓詩云陳轅曰秭亦
取積義如筭簣之爲一物是其例也○箋曰數謂

計也數萬至萬是萬萬曰億數億至萬是萬億曰
秭五經筭術所謂中數也數億至億則萬萬億曰
秭上數也若十萬曰億十億曰秭乃下數耳許云
數億至萬曰秭與心部十萬曰億其率不一蓋萬
億亓數今古不同故兩存其說未必有意與毛立
異至數億至億曰秭其數過鉅自古罕用毛亦未
必用之段氏因許說之不同遂謂毛傳當云數億
至億殊爲臆斷又謂五經筭術數有十等以中數
言之毛應云數垓至億曰秭則於數茫然更不足
辨矣

秭二秭爲秬从禾毛聲周禮曰二百四十斤爲秉四

秉曰筥十筥曰稷十稷曰秬四百秉爲一秬

宅加切

注曰秬禾四百秉也聘禮四秉曰筥十筥曰稷十稷曰秬注云一車之禾三秬爲千二百秉三百筥三十稷也按小徐本作秬也是則秬卽秬爲今數二秬爲秬爲古數也小徐本非奪字周禮當作禮記許書之例謂周官經曰周禮謂十七篇曰禮十七篇之記謂之禮記如倂鉞芼牛藿羊苦豕薇系之禮記是也四秉爲筥以下聘禮記文二百四十斤爲秉七字妄人所增聘禮記十數曰秉二百四十斗說米之數與禾無涉又譌斗爲斤也

秬百二十斤也稻一秬爲粟二十斗

原本誤作升禾今正下並同

黍一秬爲粟十六斗大半斗从禾石聲

常隻切

注曰律麻志曰五權之制本起於黃鐘之重一倫容于二百黍重十二銖兩者兩黃鐘律之重也二十四銖而成兩十六兩成斤三十斤成鈞石者大也權之大者也四鈞爲石古假石爲秬月令鈞衡石是也有假秬爲山石者楚辭悲任秬之何益是也○箋曰秬一秬爲粟二十斗說見米部粢下禾黍一秬爲粟十六斗大半斗說見糲下

耕復其時也从禾其聲虞書曰稔三百有六旬

居之切

注曰十二月市爲期年中庸一月市爲期月左傳旦至旦亦爲期今皆假期爲之書堯典文蓋壁中

古文作稭孔安國以今字讀之易爲期也大徐作
虞書小徐作唐書考心部僞唐書五品不恐大小
徐本同他僞堯典者凡二十五皆云虞竊調尙書
鄭贊云三科之條五家之教三科者古文家說虞
夏書商書周書也五家者今文家說唐書虞書夏
書商書周書也許云唐書者從今文家說也蓋堯
典紀唐事則謂之唐書勝於古文家之槩僞虞夏
書未得其實也凡今本說文以堯典系虞書者二
十五皆淺人所妄改○箋曰許自言僞書孔氏古
文安見其必從今文家說況所引堯典凡二十五
皆僞虞書獨心部恐下僞唐書而此條大小徐復

同疑稻之別體

文二

新附

𥽿

稀疏適秣也

原本無秣字今從段補

从二禾凡秣之屬皆从

讀若歷

郎擊切

注曰各本無秣字今依江氏聲王氏念孫說補適

秣疊韵玉篇曰稀疏厯厯然周禮遂師賈疏分布

稀疏得所名爲適歷是也○箋曰適秣重言之則

爲歷歷聲轉爲離離又珠光曰玳瑁水下曰滴瀝

竝字異而義同蓮實名的蕰亦狀其勾圓之貌也

秣

并也从又持秣兼持二禾秉持一禾

古甜切

箋曰小雅大田篇彼有遺秉此有滯穗毛傳秉把

也灝按从又持一禾爲秉持二禾爲兼引申爲凡兼并之儔

文二

𥽿禾屬而黏者也以大暑而種故謂之黍从禾雨省聲孔子曰黍可爲酒禾入水也凡黍之屬皆从黍

舒呂切

注曰九穀考曰禾屬而黏者黍不黏者糜對文異散文則通今山西人無論黏與不黏統呼之曰糜黍太原以東則呼黏者爲黍子不黏者爲糜子黍宜爲酒爲饅饊之餌養爲醢粥糜宜爲飯尚書大傳淮南說苑皆云大火中種黍菽而呂氏春秋則

云日至樹麻與菽樹麻爲樹麋之譌說文獨云以大暑而種蓋言種黍之極時也王裁按大字傳寫妄增○箋曰黍卽今之大黃米也其米飯黏宜釀酒及爲餌醢之屬麋一名稌乃稷也程氏以麋爲黃黍而高粱爲稷似未確說詳禾部以大暑而種段謂大字衍是也齊民要術引汜勝之書曰黍者暑也種者必待暑亦無大字兩省聲與篆體不合漢隸絕無從雨者足以相證段氏改左右曲筆爲方形彌增怪狀古徵書引春秋說題辭曰禾入米爲黍此識緯之言託之孔子者也入水固無義入米亦不可通竊謂爾當从米建類上二點下四點

象黍米與米从木作點象黍汁同例書者誤以上
兩點作曲垂於是上半體成禾下四點成水斷而
三之遂謂之禾入水耳

糜 稌也从黍麻聲

靡爲切

箋曰說見禾部稌下

稌 黍屬从黍卑聲

并弭切

箋曰九穀考曰禾別曰稌黍別曰稌一本數十莖
帖地橫出至生節處乃屈而上聳節如鶴膝莖淡
紫色葉色淡綠每一莖又節節抽莖成數穗穗疏
散至大暑後而穀熟光澤如黍農人謂之野稌一
曰水稌

黏相箸也从黍占聲

女廉切

箋曰一切經音義十四引倉頡篇黏合也

黏也从黍古聲

戶吳切

粘或从米

箋曰彌部彌鍵也廣雅曰粘鎗也二字音義同黏

字乃體之厚者亦可用以黏著物故許訓爲黏又

與食部餲通玉篇麴俗黏字按今俗作糊

黏也从黍日聲春秋傳曰不義不黏

尼質切

黏

或从刃

注曰方言曰黏黏也齊魯青徐自關而東或曰黏

或曰黏黏黏也○箋曰爾雅釋言黏膠也釋文黏

字又作黏同春秋傳左氏隱元年文今本黏作暱

繫傳部末多黏篆云从黍尼聲不著其義蓋亦黏之或體而此本佚之黏昵同聲昵猶暱也楚金云黏有樹出之如漆可以黏蟬雀

黏履黏也从黍勑省聲勑古文利作履黏以黍米勑作

勑郎奚切

箋曰履黏之義未聞經傳多訓爲眾爾雅釋詁勑眾也大雅桑柔篇民靡有勑是也古與黧通秦謂民曰黔首蓋取黧黑之義而與勑通因之訓爲眾耳

緇治黍禾豆下潰葉以黍昌聲蒲北切

注曰潰葉菸殘恐其傷穀故必治之○箋曰段說

非也此說解有舛誤蓋本作治黍禾豆不潰者治
黍禾豆不潰卽禾部稽下所云春粟不潰也傳寫
不字誤作下後人因又改者爲某遂失其義黍禾
豆有至堅者春擣不破謂之糲顏氏家訓勉學篇
載蜀人呼小豆爲豆逼卽此字顏黃門以爲自字
非也玉篇云糲黍豆也蓋知說文之誤而未詳其
物故渾言之耳

文八

繫傳作文九
說見翻下

重二

香也从黍从甘春秋傳曰黍稷馨香凡香之屬皆

从香

許良切

注曰艸部芳艸香也春秋傳約舉左氏僖五年文

說从黍之意○箋曰香古通作薌曲禮黍曰薌合
梁曰薌其土虞禮香合釋文本又作薌文選甘泉
賦薌映牀以棍枇兮李注薌亦香字也許書無薌
字蓋香屬黍稷薌屬艸華古通用無別也从黍甘
會意甘以味言味者氣之本也

馨香之遠聞者

繫傳作也

从香

𩇑聲

原本有𩇑籀文𩇑四
字乃楚金語誤入正

艾今刪
呼形切

箋曰大雅鳧鷖傳馨香之遠聞也瀨按馨香者芬

芳之轉語

文二

𩇑香氣芬馥也从香𩇑聲

房六切

鈕曰詩楚茨苾字李善注文選蘇子卿詩引韓詩作馥薛君曰馥香貌也漢碑有馥

文一

新附

米粟實也

粟繫傳作積

象禾實之形凡米之屬皆从米

禮

切

注曰四點者聚米也十其間者四點之分也篆當作四圓點以象形今作長點誤矣○箋曰段說字形殊謬繫傳曰穞顆粒也十其稭彙開而米見也灝按十者甲之古文四點象粟實指事此指粟實在裏中甲坼而見故曰象禾實非謂已舂去糠之米也

粱米名也从米梁省聲

呂張切

注曰粱禾米也粟與米皆兼禾黍言粱則專爲禾米各本作米名也今正稟實并刈曰禾其實曰粟粟中人曰米米可食曰粱○箋曰段說非也本艸圖經曰粱米有青粱黃粱白粱皆粟類也青粱穀穗有毛粒青米亦微青而細於黃白米黃粱穗大毛長穀米俱麤於白粱而收子少不耐水旱食之香美逾於諸粱人號爲竹根黃也白粱穗亦大毛多而長穀麤扁長不似粟圓米亦白而大食之香美爲黃粱之亞內則云飯黍稷稻粱白黍黃粱鄭注黍黃黍也正義曰下云白黍則上黍是黃黍下

言黃粱則上粱是白粱也

樵早取穀也

取繫傳作收

从米焦聲一曰小

角切

注曰內則稱樵鄭注孰穫曰稭生穫曰樵正義曰樵是斂縮之名明以生穫故其物縮斂也按樵卽樵字亦作稭古爵與焦同音通用大招七發皆云稭麥王逸云擇麥中先孰者也廣韵云稭者稻處種麥皆與早取之義合凡早取穀皆得名稭不獨麥也一曰小謂穀之小者也

粟稻重一石爲粟二十斗爲米十斗曰穀爲米六斗

太半斗曰粢从米奴聲

倉案切

注曰此有奪文當以爲米十斗句絕下云爲米九

斗曰穀稻粟二十斗爲米十斗者九章筭術所謂
稻率六十糲米三十也其米甚粗不得僞穀下文
云米一斛舂爲九斗曰穀是也舂爲六斗大半斗
則曰粲精無過此者矣漢荆法有鬼薪白粲白粲
謂舂也粲米取白故爲鮮好之僞○箋曰稻重一
石以權衡言粟二十斗爲米十斗則以嘉量言也
此二粟一米之粗率固不得謂之穀然如段說改
訂其文則是爲米九斗者亦承粟二十斗而言粟
二十斗爲米九斗亦非甚精也竊謂此穀字乃糲
之誤依九章筭術稻率六十糲米三十則粟二十
斗爲米十斗卽糲米也段注穀字云稻米之始亦

爲糲是也以稻粟八斗爲米五斗則一柘爲米六斗太半斗今以粟二十斗爲之是一柘僅得三斗小半斗較之未黍粟之爲御米者益精矣禾黍粟十六斗太半斗爲糲十斗爲御米七斗則一柘得御米四斗二升也引申爲凡潔白之稱又爲分散之義說具粢下

糲

禾黍

原本誤作
粟重今正

一柘爲粟

原本奪粟
字今補

十六斗太半斗

春爲米

一斛

曰糲

从米萬聲

洛帶切

注曰粟十六斗太半斗爲米十斗卽九章筭術粟

率五十糲米三十也今皆作糲漢書司馬遷傳糲

粱之食與許篆體合○箋曰此文有譌舛今據禾

部秬篆訂正大雅召旻鄭箋云米之率糲十稗九
粳八侍御七九章筭術粟米之法粟率五十糲米
三十稗米二十七粳米二十四御米二十一蓋粟
十六斗太半斗數有奇零故三之成五十以便入
筭而稗粳御米亦各三之也太半斗三分斗之二
也併十六斗通爲三之五十依率得糲米三十如
法而一卽一秬矣

精擇也

段訂作擇米也

从米青聲

子盈切

注曰莊子人間世曰鼓篋播精司馬彪云簡米曰
精簡卽東俗作揀引申爲凡取好之偁

粃

穀也从米卑聲

肅卦切

箋曰糲米一斛春爲九斗曰穀與糲米三十糲米二十七之率同是糲卽穀也

粗疏也从米且聲

祖古切

注曰大雅彼疏斯糲箋云疏麤也謂糲米也引申假借之凡物不精者皆謂之粗今皆讀平聲

𥽿

原本篆作𥽿今從段正

惡米也从米比聲

比原作北今正

周書有棗

誓

棗原本誤作棗今正兵燹切

注曰粟之不成者曰秕米之惡者曰棗莊子塵垢

秕糠秕卽棗字各本篆作棗解云北聲今正經典

釋文五經文字皆不誤尙書棗誓衛包妄改作費

誓周禮禮記曾子問鄭注皆云棗誓裴駰司馬貞

注史記皆云尙書作柴司馬貞當開元時衛包本
猶未行也至宋開寶陳諤乃將尙書音義之柴改
費學者莫知古本矣包之改柴爲費直謂柴卽季
氏費邑不知漢費縣故城在今兗州府費縣西北
二十里去曲阜且三百里柴誓全篇乃初出師時
語未必遠在今費縣

𥽿米也从米𥽿聲

魚列切

注曰𥽿同芽芽米者生芽之米也凡黍稷稻粱米
已出於糠者不𥽿麥豆無糠故能𥽿𥽿米謂之𥽿
猶伐木餘謂之𥽿庶子謂之𥽿也許云𥽿米蓋指
穀言之散文則栗得𥽿米也月令乃命大酋秬秠

必齊麴蘖必時鄭注古者獲稻而漬米麴至春而
爲酒按漬米漬麴是二事漬米卽大酋之蘖此蘖
不必有牙以凡穀漬之則有牙故名漬米曰蘖也
○箋曰穀自生牙曰蘖因之漬米使生牙亦謂之
蘖也

粒糲也从米立聲

力入切

古文粒

注曰此當作米粒也玉篇廣韻粒下皆云米粒可
證淺人妄改之以與糲下一曰粒也相合不知粒
乃糲之別義如妄改之文則粒爲以米和羹矣今
俗語謂米一顆曰一粒孟子樂歲粒米狼戾皋陶
謨烝民乃粒周頌立我烝民鄭箋立當作粒詩書

之粒皆王制所謂粒食也

釋潰米也从米畢聲施隻切

注曰大雅釋之變變傳曰釋淝米也變變聲也按潰米淝米也潰者初湛諸水淝則淘汰之大雅作釋釋之假借字也○箋曰釋从米與此从米者所爭甚微今詩傳寫之異未必出於假借也戴氏侗曰从米者米之譌也

糲以米和羹也一曰粒也从米甚聲桑感切籀文

糲从替糲古文糲从參

注曰古之羹必和以米墨子勑羹不糲十日呂覽作勑羹不糲七日不粒不糲正不糲之誤內則注

曰凡羹齊宜五味之合米屑之糝釋名曰糝黏也
相黏黏也按廣韵集韵類篇干祿字書皆有糝字
云蜜漬瓜食也桑感切蓋糝有零星之義故今之
小棗古謂之糝別製其字作粽通鑑盧循遺劉裕
益智糝宋廢帝殺江夏王義恭以蜜漬日晴謂之
鬼目糝廣韵二仙枸櫞樹皮可作糝南方艸木狀
建安八年交州刺史張津以益智子糝餉魏武帝
俗多改粽字胡三省注通鑑曰角黍也蓋誤認爲
送韵之粽字齊民要術引廣州記益智子取外皮
密煮爲糝味辛徑作糝字○箋曰糝音桑感切不
當从宋聲糝當是糝之譌蓋艸書參字作參故糝

誤爲秣又誤爲粽玉篇廣韵竝云糗蘆葉裹米俗
作粽此角黍也蜜漬瓜食所謂糝也廣韵四十八
感又有抹沫二字亦摻滲之誤

𥽿米炊句米者謂之𥽿从米辟聲

博尼切

注曰炊謂飯與𥽿也下言炊爨之失故先之曰炊
釋器曰食饘謂之𥽿搏者謂之糲米者謂之𥽿李
巡云糲飯淖糜相著也米半𥽿半熟名𥽿○箋曰
𥽿讀爲生半生半熟米質未變故曰米者謂之𥽿
與黍部韞音義相近然爾雅之文承上食饘及搏
者而言說文上無所承而直云米者謂之𥽿則讀
者不知爲何語雖增一炊字語意猶未明也

麻米糝也

糝下段補糜字

从米麻聲

靡爲切

注曰以米和羹謂之糝專用米粒爲之謂之糝糜亦謂之糝亦謂之饘食部曰饘糜也釋名曰糜煮米使糜爛也粥淖於糜粥粥然也引申爲凡糜爛字

糲

糜和也从米覃聲讀若郢切

徒感切

注曰糜和謂菜屬也凡羹以米和之曰糝糜或以菜和之曰糲

糲

糲米也从米尼聲交阯有茈泠縣

武夷切

注曰潰扁也謂米之棄於地者也禾部稽舂粟不潰也不拋散謂之不潰地理志交阯郡茈泠後郡

國志同麓者菴之誤○箋曰米棄於地及舂之不
拋散似無特爲立名各造一字之理段說非也潰
米蓋謂米之潰敗者與糜音同義異糜者煮之使
糜爛也菴則米之自潰者也舂粟不潰說見禾部
稻下

籩酒母也从米籩省聲馳六切**𥽿**籩或从麥籩省聲

注曰作麴或以米或以麥故其字或从米或从麥
籩或作𥽿則亦可云籩聲○箋曰此當作𥽿聲爲
是鳥部籩一部籩竝云籩聲

糟酒滓也从米曹聲作曹切**𥽿**籩文从酉

注曰內則飲重醴稻醴清糟黍醴清糟梁醴清糟

鄭注重陪也糟醕也清沛也致飲有醕者有沛者陪飲之也按今之酒但用沛者直謂已漉之粕爲糟古則未沛帶滓之酒謂之糟泛齊醕齊滓浮九濁盎齊緹齊沈齊差清莊子音義元應書皆引許君淮南注曰粕已漉粗糟也然則糟謂未漉者大鄭周禮注引內則清糟字皆作漚蓋从酒艸聲籀文大徐本作醕集韻從之小徐本作醕韻會從之汲古閣以小徐改大徐非也

糲

乾也

段訂作从米

荀聲

平祕切

注曰飯字各本奪今依後漢明帝紀注隗囂傳注文選注元應書補釋名曰干飯飯而暴乾之也周

禮廩人注曰行道曰糧謂糲也止居曰食謂米也

糲熬米麥也从米臭聲

去九切

注曰周禮羞饔之實糲餌粉養鄭司農云糲熬大豆與米也粉豆屑也元謂糲者搗粉熬大豆爲餌養之黏著以坩之耳按熬者乾煎也乾煎者煬也煬米豆春爲粉以坩餌養之上故曰糲餌粉養柴舊時乃糲糧傳曰糲糧之糧孟子曰舜之飯糲茹艸趙云糲飯乾糧也此皆謂熬穀未粉者也○箋曰熬米麥爲餌曰糲餌熬米屑爲養搗粉以坩於其上曰粉養謂之糲餌者熬米麥而乾之以爲餌與糲同物故曰糲餌非謂以糲爲餌也以豆屑搗

粉圻於養上謂之粉養亦非謂粉必用糗也段云
煨米豆春爲粉以圻餌養之上故曰糗餌粉養則
似熬米麥爲糗專爲作粉而設非其義矣

米春糗也从米臼其九切

注曰米麥已熬乃春之而徒之成勃所謂擣粉也
而後可以施於餌養○箋曰从米从臼指事

糗糧也从米𥽿聲私呂切

注曰凡糧皆曰糗離騷注曰糗精米所以享神其

一端耳

糗穀也从米量聲呂張切

注曰周禮廩人凡邦有會同師役之事則治其糧

與其食鄭云行道曰糧按詩云乃裹餼糧莊子云
適百里者宿舂糧適千里者三月聚糧皆謂行道
也許云穀食則兼居者行者言

糲 雜飯也从米丑聲

女久切

注曰食部餌雜飯也廣韵餌亦作糲然則餌糲一
字今之糲雜字也○箋曰段又謂餌字爲俗增說

見食部

糶 穀也从米翟聲

他弔切

箋曰古傳注未見有名穀爲糶者出部糶出穀也
入部糶市穀也糶音他弔切糶音徒歷切本一聲
之轉故弔字亦讀如的糶糶皆售穀自買者言之

則爲糴自賣者言之則爲糴正如出物貨曰賣購
取曰買皆一事而以出入爲二義實是一字蓋糴
之本義卽售穀古音讀如規聲轉爲的因聲岐爲
二義故加出爲糴加入爲糴耳玉篇糴字兼載徒
的徒弔二切是也

糲

也從源本誤作楚今從米蔑聲切

注曰玉篇糲或作楚則是一字今正作末凡糲而
粉之曰末麥部麩麥末也是也麩專謂麥末糲則
統謂凡米之末廣雅糲謂之麩此謂麩亦糲之一
耳今之米粉麩勃皆是○箋曰麩亦糲之聲轉因
麥麩所用九廣故別製一字耳

稊不雜也从米卒聲

雖遂切

注曰劉逵引班固云不變曰醕不雜曰粹粹本是精米之稱引申爲凡純美之稱

𩇛饋客芻米也从米气聲春秋傳曰齊人來氣諸侯

許既切

𩇛米氣或从既𩇛氣或从食

注曰聘禮殺曰饗生曰餼餼有牛羊豕黍粱稻稷禾薪芻等不言牛羊豕者以其字从米也言芻米不言禾舉芻米以該禾也今假氣爲雲氣字而饗餼乃無作氣者左傳桓十年齊人餼諸侯許所據作氣槩从既聲聘禮記曰日如其饗既之數注云古文既爲餼中庸既稟稱事注云既讀爲餼既皆

槩之省餽从食而氣爲聲蓋晚出俗字在假氣爲氣之後

紅陳臭米从米工聲戶工切

汪口賈捐之傳太倉之粟紅腐而不可食紅卽粒之假借

粉傳面者也从米粉聲方吻切

注曰小徐曰古傳面亦用米粉故齊民要術有傳面粉其據賈氏說粉其僅堪妝摩身體耳傳人面者固胡粉也許所云傳面者凡外曰面周禮傳於餌養之上者是也引申爲凡細末之稱

粉也从米卷聲去阮切

箋曰玉篇云糲粉也又作粃同繫傳以此為粉之或體恐非也

糲

段訂作

從米

悉聲私列切

注曰糲繫雙聲字今俗語尚如此言之斂曰糲侈

曰繫繫呼曰糲繫

糲

繫斂之也从米

殺聲桑割切

注曰左傳昭元年曰周公殺管叔而蔡蔡叔釋文曰上蔡字音素葛反說文作繫蓋繫本謂散米引申之凡放斂皆曰繫字譌作蔡耳○箋曰左傳上蔡字當作繫形近之譌漢書宣帝紀骨肉之親繫而不殊昌邑王傳作析而不殊荀悅漢紀作放而

不誅是其義蓋粲本春檮分析之義引申為凡分
散之僞故訓為放也陸氏未達故以此粲字當之
耳

靡 碎也从米靡聲

摸臥切

注曰石部碎靡也二字互訓王逸注離騷瓊靡云
靡屑也靡卽靡字廣雅靡字二見曰靡鎗也與說
文同曰靡糲也卽說文之靡碎也靡與靡音同義
少別凡言粉碎之義當作靡此字玉篇廣韻集韻
皆忙皮切徐鼎臣云莫臥切誤認為礪耳

竊 盜自中出曰竊从穴从米𠂔𠂔皆聲𠂔古文疾𠂔

古文 𠂔

千結切

注曰米自宀出盜自中出之象也廿古文疾假借以爲疾字也以卣爲僕猶見於漢書○箋曰此一字而兼用卣廿二聲六書所少有戴氏侗云从宀耑聲萬之首譌爲廿似是也

文三十六 重七

糲食米也从米長聲

陟良切

鈕曰糲糧釋言文論語在陳絕糧釋文糧鄭本作糲云糧也文選思元賦餐沆瀣以爲糲後漢書糲作糧章懷太子云糧或作糲據此則糲糧古通疑實一字而異文

粕糟粕酒滓也从米白聲

匹各切

鈕曰莊子天道篇作糟魄釋文魄音各反司馬云
爛食曰魄一云糟爛爲魄本又作粕音同引許君

𥽿 𥽿，𥽿膏環也。从米，巨聲。其呂切。

糲人音粗粒也从米女聲切

切人

鈕曰疑古作巨黍御覽八百六十引通俗文曰寒

具謂之餉是於粃義有合古具與巨通說文黍訓

禾屬而黏方言博雅竝作教黏也是教當卽黍俗

又作妝也廣韻粧引新字解訓曰粧妝膏環其非

古字可知

粳 蘆菜裹米也从米𪔐聲切

切作析

鈕曰御覽八百五十一引風土記曰俗以菰葉裹黍米以清濃灰汁煮之令爛熟於五月五日及夏至啖之一名糴一名角黍是糴者蓋取包裹義據周禮掌客十筭曰稷鄭注稷猶束也於包裹義有合疑稷之俗字

糖飴也从米唐聲

徒郎切

鈕曰急就篇棗杏瓜棣蠟飴飴與藏霜爲韻詩有簪箋云簫編小竹管如今賣飴者所吹也釋文飴引方言云張皇也卽乾糖也音唐是糖卽飴之俗字顧氏日知錄已辯之

文六

新附

粃糲米一斛糲字據春爲九斗也九原誤作八今從段正以臬

从爰凡穀之屬皆从穀許委切

注曰米部粃穀也九章算術糲米三十粃米二十七粃米二十四是穀與粃皆一斛春九斗从臼米調春也爰猶杵也○箋曰臬訓春糲故从臬此但取春意段氏泥於春糲春米之分故析之云从臼米非許意也

穀糲米一斛春爲八斗曰粃八原誤作九今正从穀𦍋聲則切

注曰詩生民召旻音義左傳桓二年音義皆引字林粃糲米一斛春爲八斗也與九章算術鄭箋合

各本作九斗繆誤顯然○箋曰一切經音義十八引三蒼曰繫精米也今江南謂𦵏米爲繫按𦵏讀如木柿之柿木皮曰柿故春去米皮曰𦵏也

文二

臼春也古者掘地爲臼其後穿木石象形中米也凡臼之屬皆从臼其九切

注曰引申凡凹者曰臼掘地爲臼見易繫辭傳蓋黃帝時雍父初作如此

舂擣粟也从升持杵臨臼上午杵省也古者雝父初作舂書容切

注曰周禮有舂人廣雅曰𦵏嗟𦵏嗟繫捶舂𦵏

碯春也太平御覽引世本曰雍父作春杵曰宋衷
曰雍父黃帝臣也○箋曰午卽古杵字木部杵下
楚金云春字注午杵也此省字乃淺人所增

𣎵

齊謂春曰𣎵从臼𣎵聲讀若膊

匹各切

箋曰玉篇有膊字云春也與𣎵音義同

𣎵

春去麥皮也从臼干所以𣎵之

楚治切

注曰示部彙讀若春麥爲彙之彙𣎵彙古今字也
引申爲凡刺入之僞如農器刺地者曰𣎵𣎵○箋
曰釋名云鍤插也插地起土也方言曰𣎵燕之東
北朝鮮洌水之間謂之𣎵宋魏之間謂之鍤或謂
之鍤江淮南楚之間謂之𣎵沅湘之間謂之𣎵趙

魏之間謂之巢東齊謂之裡木部云柝畱也金部
銛銛畱皆云畱屬是畱爲田器無疑許以其字从
日故以春麥爲本義蓋春麥之畱與起土之畱同
也

𠂔

抒曰也

从爪

曰繫傳作从爪聲

詩曰

或簸或

畱以沼切

𠂔

畱或从手

从宀

𠂔

畱或从

曰

注曰生民詩曰或春或揄或簸或蹂毛傳揄抒曰
也然則揄者畱之假借抒挹也旣春之乃於日中
挹出之今人凡酌飲注此曰畱其引申之語也古
音讀如由簸字筆誤或許所據毛詩作畱或取諸
三家皆不可定○箋曰周官春人女春抗二人鄭

注抗抒曰也引詩或春或抗蓋皆出於三家

小阱也从人在臼上

繫傳下有春地坎可
名人六字戶猶切

注曰阱者陷也名謂阱之小者古者掘地為臼故
从人曰會意猶坑也○箋曰从人在臼上蓋指事
也此借臼之字形為小阱之意與借八為冤借匕
為簪借井為蓑借中為幬帳之飾同例

文六 重二

凶 惡也象地穿交陷其中也凡凶之屬皆从凶

許容切

注曰此為指事○箋曰釋名曰凶空也就空亡也

又曰惡扼也扼困物也○象地穿从乂指事

凶 擾恐也从人在凶下春秋傳曰曹人兇懼

許供切

箋曰左氏僖二十八年傳曹人兇懼杜注兇兇恐
懼聲字又作恟廣韵恟懼也古凶荒字通作兇疑
本是一字故不入人部而附於此

文二

說文解字第七

上